

東

華

續

錄

朱壽朋敬編

潘鴻鼎恭校

二月乙卯朔雪○諭本年輪應查閱山東河南江蘇安徽江西五省營伍之期山東即派張汝梅河南即派劉樹堂江蘇即派奎俊安徽即派鄧華熙江西即派德壽認真查閱各省營伍均關緊要豈容稍有廢弛近來防營積習如缺額扣餉等弊迭經嚴行儆戒不啻三令五申各該撫身膺重寄務當仰體朝廷整飭武備之至意逐一簡校如有技藝生疏老弱充數及軍實不齊等事即將該管將弁從嚴參辦毋得稍涉瞻徇以肅戎行○戶部奏御史楊崇伊奏各省荒廢官地請准民間承買收價報解一片光緒二十三年十二月十四日欽奉 諭旨戶部議奏欽此欽遵由軍機處鈔交到部據原奏內稱各省官地小民侵越者多且愚以爲軍田屯田與其乾無不理不如准民典買租糧均有所出至業經移建之書院廢署基址或不在祀典之祠廟寺觀基址所在多有興修無期與其聽勢惡土豪臨中侵佔致滋糾訟不如官爲估價准民承買所收官價報解藩庫聽候部撥或亦不無小補應通行各省遵辦各等語臣等查戶部則例內載屯軍人等官給屯田民人私行置買該衙千總嚴行究治不行清查者照例議處又則例內載寺

觀各莊丁園丁名下領種地畝不准私行典買違者究治又例載各省叢林古剎舊經報官入冊舊田不許私相售買違者治罪各等語是軍屯各田本不容私相典買惟歷年既久荒蕪不理廢棄亦屬可惜臣等公同商酌應查照臣部則例變通辦理請旨飭下各省將軍都統督撫查明所屬地方究有軍田屯田若干現在荒蕪未經開墾者若干應如何招戶認買收價升科納糧之處迅即奏明辦理至移建之書院廢署基址及不在祀典之祠廟寺觀基址雖臣部則例並無不准置買之條惟曾經報官入冊之齋田尙不許私相售買則廢基遺址亦可類推矣查此項廢地究屬無多一旦弛禁准民承買恐徒飽吏胥之需索無補公家之度支如有勢惡土豪暗中侵佔應由該地方官按律懲辦以警刁頑得旨如所議行

○丁巳祭先師孔子廟遣榮祿行禮○調俞廉三爲湖南布政使何樞爲山西布政使○依克唐阿奏覆陳籌餉練兵要策請飭戶部籌款開設銀行仿行鈔法軍機大臣奉旨著戶部核議具奏○祭社稷壇上親詣行禮○予禮親王世鐸假一月調理以恭親王署宗人府宗令奕劻署正黃旗滿洲都統○庚申總理各國事務衙門奏前於光緒二十二年二月間訂借英德商款一千六百萬磅約計庫平銀一萬萬兩奏蒙允准在案嗣經陸續提付日本賠款及威海軍費七千七百五十九萬餘兩加以訂購戰船等項僅餘三百數十萬兩而日本賠款尙欠七千二百五十萬兩若不續借鉅款照約於二

年之內全數還清則已付之息不能扣回威海之軍不能早撤中國受虧甚鉅且本年閏三月間應付之一千七百餘萬兩亦尚無從籌措上年十二月英俄兩國使臣迭向臣等商議借其國家之款息扣雖較商款爲輕而所索利益互相關係難以允從臣等籌思至再祇可仍借商款以免膠轕然不先指定價款則借款仍歸無著中國借款向指關稅作抵各關關稅每年約收二千二百萬兩內提出使經費各關經費船鈔等項并提還以前借款本息所餘無多不敷抵借至於鹽課地丁雖皆有著之款然均係每歲正供不宜作抵且所收數目洋商不知若准令洋商照看更礙於俄法借款一體均需之條益恐別生枝節臣等通盤籌畫擬將蘇州貨釐松江貨釐浙東貨釐宜昌鹽釐鄂岸鹽釐等項酌照廣東大廠辦法札派總稅務司赫德代徵以便按期撥付本息不致遲誤此項貨釐鹽釐每年約徵銀五百萬兩抵償借款當可取信洋商而他國不致有所藉口當將此意而告赫德令向英德銀行商辦赫德與該行往復商論訂期續借金一千六百萬磅仍合庫平銀一萬萬兩開具草合同呈送前來臣等查合同所開周息四釐五毫八三折扣四十五年還清每四百磅用費一磅雖較前次英德借款折扣較重然前項周息五釐三十六年還清現款周息四釐五毫四十五月還清每年少還本息銀十三萬一千七百二十餘磅亦可稍紓財力其餘各款與前次合同不甚差較之俄英兩國同時商借之款利害相懸甚遠既

無誤日本償款之期亦免諸多要挾等公同商酌自可照此定議謹鈔錄合同底稿恭呈 御覽臣等  
卽一面照案飭令總辦章京戶部司員與該銀行董事重訂如期交款一面札行總稅務司並咨行  
江蘇江西湖北安徽等省督撫欽遵辦理得 旨如所議行○辛酉險毓崑等奏 惠陵工程緊要請派  
大臣查勘辦理一摺 惠陵工程情形緊要著派啟秀前往敬謹查勘以昭慎重○壬戌險軍機大臣等  
都察院奏山西京官呈訴山西興辦鐵路流弊滋多請飭停辦一摺山西興辦鐵路前據該撫奏稱因所  
產煤鐵各礦須修鐵路方能運銷現有院聘各紳商籌借洋款來晉開辦當經降旨允其開辦並令預防  
流弊酌定詳細章程奏明辦理迄今尙未奏到茲據山西京官呈稱該撫竟將潞州澤州沁州平定三府  
一州典與洋人深堪詫異將現辦情形及擬定章程刻日具奏原呈所指方孝傑劉鵬二員聲名甚劣  
均著撤退毋令與聞該省商務又左都御史徐樹銘奏山西礦務鐵路宜歸紳民自辦各節著胡聘之一  
併詳議具奏○陳寶箴奏 於光緒二十二年准禮部咨山西撫臣胡聘之奏請變通書院章程一摺承  
准總理衙門咨議覆刑部左侍郎李端棻奏請推廣學校一摺本年三月又承准總理衙門咨議覆安徽  
巡撫邵華熙奏籌設學堂請撥常年經費一摺均奉 旨依議咨飭通行仰見我 皇上獎勵實學  
培養人材之至意欽感莫名自咸豐以來削平寇亂名臣儒將多出於湘其民氣之勇士節之盛實甲於

天下而恃其忠川義膽敵王所憚不願師他人之長其義憤激烈之氣鄙夷不屑之心亦以湘人爲最近  
年聞見漸拓風氣日開頗以講求實學爲當務之急自到任迭與湘省紳士互商提倡振興之法電借  
漸次安設小輪亦已舉行而紳士中復有聯合公司以機器製造者士民習見不以爲非亦以爲因勢利  
導宜及此時因材而造之當於本年秋冬之間與紳士籌商在省會設立時務學堂講授經史掌故與  
法律格致測算等實學額設學生一百二十人分次考選而延聘學兼中西品端識卓之舉人梁啟超候  
選州判李維格爲中學西學總教習另設分教習四人現已開學數月一切規模均已粗具省城舊有求  
賢書院現據改爲武備學堂略仿天津湖北新設規制以備將才而練武事伏查鄧華熙原奏請於各省  
正款內每年撥款一萬兩以充費用湖北武備學堂亦經奏准動用公款今湘省設立時務學堂武備學  
堂事同一律擬請援照每年於正款項下撥銀一萬二千兩酌充兩處常年經費自光緒二十四年爲始  
由臣在藩庫糧庫盤金局三處籌措分撥其京協餉及一切應解各款仍照解不誤總計兩處學堂每歲  
經費約需二萬數千金除指撥正款外所有不敷之項及建造學堂房舍之費卽由臣督率紳士另行設  
法籌措就地支給以期有成下戶部知之○癸亥諭前錄統領以瀾奏拿獲烟館人犯請交部審辦一摺  
太監薛來喜等膽敢在禁城內開設烟館屬目無法紀亟應從嚴懲辦所有拿獲之太監薛來喜蘇拉

姜文祥民人馮一鴻查陳三五名均著交刑部嚴行審訊按律懲辦○甲子命廖壽懷在軍機大臣上學  
習行走○戶部奏臣部議覆中允黃思永奏籌借並款請設股票一摺光緒二十四年正月十四日具奏  
奉 上諭著依議行等因欽此臣部前奏僅陳借款大概情形至一切詳細章程聲明另行覈議自奉  
諭旨通飭遵行以後臣等連日督同司員熟計終始兼籌利弊擬定章程十七條內五條係臣部辦法十  
二條係中外通行辦法繕列清單恭呈 御覽一俟 命下卽由臣部知照禮部迅速鑄造昭信局印並  
分別咨行各省欽遵辦理再臣部原奏製造股票一百萬張每股銀一百兩現在遵 旨詳議章程統覈  
辦法酌製股票每票一百兩者五十萬張每票五百兩者六萬張每票一千兩者二萬張合銀一萬萬兩  
每股仍作銀一百兩按認股銀數領票以便什鈔合併聲明得 旨如所議行 昭信股票詳細章程  
一由戶部印造昭信股票編列字號每票一百兩者造五十萬張計股銀五千萬兩每票五百兩者造六  
萬張計股銀三千萬兩每票一千兩者造二萬張計股銀二千萬兩共合一萬萬兩由戶部設立昭信局  
遴選司員經理 一股票式樣前幅擬用四圍龍邊恭錄奉 旨准其開辦每票銀數下半分二十小方  
書明年分銀數每年付還一次裁去一方後幅刊列簡明章程每票編列號數紙心及騎縫各蓋印一顆  
印花用朱色印泥每張除聯票外另繕號冊以備稽查 一擬咨行鑄印局鑄造銅印一顆文曰戶部昭

信局印遵用滿漢篆文以符定制 一選派廉勤司員經理昭信局公任責成局內設給票處收銀處各有專司不致紛雜先收銀後給票收銀處將收過銀數付至給票處驗明關記花押即將股票登明冊簿將股票當面點交本人稽覈之員逐日將收銀給票數目列單呈堂以備覈對冊簿登簿收掌皆司員專責至鈐印覈算皆由司員督同筆帖式及人役辦理該司員等始終出力應照異常勞績奏獎倘有疏忽貽誤罰亦從之若人役舞弊營私即奏交刑部按律治罪 一製造股票刷印章程及各項經費應將需用數目覈實給發至局中常年辦公人役工食由戶部飯食項下酌量撥給 一擬在京師及各直省籌集庫平一萬萬兩紋銀略仿中西集股章程成式印造股票每票一百兩者五十萬張每票五百兩者六萬張每票一千兩者二萬張合成庫平紋銀一萬萬兩如有以各項平色及銀元交納者均准折合庫平就認股數目給予股票以昭信守 一此款限二十年還清周年以五釐行息遇閏不加增前十年還息不還本後十年本息並還本還則息減每屆還期官紳商民人等來取者隨帶股票呈驗自第一年起每付還一次即剪去一方塊至第二十年本息還訖即將股票繳銷 一戶部既設昭信局各省藩司亦應設昭信局冠以省名如直隸省即曰昭信直局各省以此類推東三省由各該將軍派員設局以昭一律在京認股款交戶部昭信局照章領票在外認股款交各該省昭信分局領票或交股實號商代為領票



款存該號候撥無誤亦可通融辦理惟該號商須有各商號連環保結報部報司有案始准承辦至認股之人或開列官閣姓名或堂名別號悉聽其便股票未發以前暫給印收俟股票刷成互換屆時由部局省局出示曉諭 一起息日期以交銀給票之日為始原應足數一年付息一次惟給票有先後日期有參差將來難以截算擬第一年交銀給票之日起均扣至十二月底止將周年五釐行息銀攤勻按日計算共得本年給息銀若干彙票時填明數目取息時照付光緒二十四年為集股第一年應付息銀以光緒二十五年二月初一日起至二月底止付訖先期一月由戶部及各省藩司出示曉諭俾認股者無誤取息之期若逾期不取歸入下期並付以後第二年至第十一年均按周年五釐付息第十一年起每年付息時每百兩並預還本銀十兩第十二年以後至第二十年均按照股票內所載年限及本息銀數辦理自第二年至第二十年每年付息還本均以二月初一日起至二月底止付訖仍先期出示曉諭

一 歸還本息在京由戶部照信局在外由各直省藩司照信分局屆期憑票照章付給裁明息票一方塊存局備查各省年終彙報戶部以憑總覈仍准股實號商代持股票赴局代領局中驗明票據照數付給仍照章裁明息票備查京外各商號自持票呈驗至發還本人不得稍有遲延及勒索扣剋情事一經查出嚴行懲辦至該商號承辦收發股票本息亦宜略酬其勞擬令京外匯兌此項票款概交該商號專辦

以資津貼 一股票每年應得息本准抵地丁鹽課一節原爲便民起見第思有股票之人未必皆有應交地丁鹽課之款若輾轉相抵又恐難暢不濟自以概由各局發給現銀爲妥俟各省集有股票若干報部後數明每年應給本息若干先期由部指撥地丁鹽課等款如數截留以備臨時按票發給總期隨到隨發不稍遲延 一京局省局收銀給票及付還本息各款攷成斷無毫絲出入倘各州縣印委及經手勦集之人有藉端攪累勒捐者准人告發或別經訪聞的確卽分別治罪如地方軍民人等有假造股票誑騙情事一經查實卽照偽造印票例爲首者斬 一股票准其輾轉押抵售賣與產業分憑無異惟抵押售賣仍應報局立案京外官員認票不認人各宜謹慎收儲倘有遺失應將股票某字某號如何遺失情形在京逕投戶部昭信局在外逕投藩司昭信局如離省稍遠卽報由該州縣轉報各該衙門卽出示將此票禁止抵押售賣每屆付還本息之期如有持原票來取者卽行扣留根究如失主隨時將原票尋獲亦卽呈明原報地方官轉報存案倘三年不獲由局給予憑單將原票作廢所有應付失票之息本仍按認股年例給發 一凡京外官員認領股票後或調任他省或一再遷任或回原籍准在願領票處呈報卽於底冊內註明另給憑單一紙註明股票號數蓋用印信如一人而票多者亦祇給一憑單註明票數號數令其持赴所到之省將憑單股票一並呈驗一面將發過憑單行文知照該省備案並報部查

致該省將憑單驗明蓋印連股票一併發還本人以後應付本息之期即在該省支領若再遷調他省將所領憑單繳銷另換憑單仍前辦法各省凡有請領憑單之票另立一冊逐年登載每年各省各將收發憑單若干號及終載清報部以憑稽覈其各省商民有在他省認領股票後如有他故回籍者其呈照給單取息辦法均照此辦理 一各省收有成數聽候部撥還洋款不作別用更不准勒令捐輸至以何款付息還本部責無旁貸自應寬為之備現籌裁減兵勇加增當稅撥扣減平糶廉鹽加價漕糧減運丁漕折錢餘盈各的款每年新增銀五六百萬應還利息尚有盈餘至十年以後匯豐克薩洋款已減復可騰出銀數百萬兩每年應還本利斷不至逾期 一各省官紳商民有一人勸募商民股款至一萬兩以上及五十萬兩以上者准各省將軍督撫分別奏請由部數給獎敘其由公款提湊者不在此例 一除利息數目及還本年限永不更改外如有未盡事宜應行變通者隨時奏明辦理○戊辰中德膠澳租界條約成其文曰山東曹州府教案現已商結中國另外酬德國前經相助之誼故 大清國國家大德國國家彼此願將兩國睦誼益增篤實兩國商民貿易使之格外聯絡是以和衷商定專條開列於左

第一端膠澳租界 第一款 大清國 大皇帝欲將中德兩國邦交聯絡並增武備威勢允許膠膠澳海面潮平闊過一百里內係中國里准德國官兵無論何時過調惟自主之權仍全歸中國如有中國

飭令設法等事先應與德國商定如德國須整頓水道等事中國不得攔阻該地內派駐兵營籌辦兵法仍歸中國先與德國會商辦理 第二款 大德國大皇帝願本國如他國在中國海岸有地可修造排備船隻存棧料物用件整齊各等之工因此甚爲合宜 大清國 大皇帝已允將膠澳之口南北兩面租與德國先以九十九年爲限德國於所租之地應蓋礮臺等事以保地棧各項護衛澳口 第三款 德國所租之地租期未完中國不得治理均歸德國管轄以免兩國爭端茲將所租各段之地開列於後一膠澳之口北面所有連旱地之高其東北以一綫自陰島東北角起至勞山灣爲限二膠澳之口南面所有連旱地之高其西南以一綫自離齊伯山島西南偏南之灣西南首起往笛羅山島爲限三齊伯山陰島兩處四膠澳之內全海面至現在潮平之地五膠澳之前防護海面所用羣島如笛羅山炸連等嶼至德國租地及膠澳周徧一百中國里界址將來兩國派員查照地情詳細定明在膠澳中國兵商各船與德國相交之國各船德國擬一律優待因膠澳內海面均歸德國管轄德國國家隨時可以定妥章程約束他國往來各船此章程卽中國之船亦應一體照辦另外決無攔阻之事 第四款 膠澳外各島及險灘德國應設立浮橋等號各國船均應納費中國船亦應納費爲修整口岸各工程之用其餘各費中國船均無庸納 第五款 嗣後如德國租期未滿之前自願將膠澳歸還中國德國所有在膠澳費

項中國應許賠還另將較此相宜之處讓於德國德國向中國所租之地德國應許永遠不轉租與別國租地界內華民如能安分並不犯法仍可隨意居住德國自應一體保護備德國需用土地土應給地主地價並中國原有稅卡設立於德國租地之外惟所商定一百里地之內此事德國即擬將納稅之界及納稅各章程與中國另外商定無損於中國之法辦結 第一款 中國國家允准德國在山東省蓋造鐵路二道其一由膠澳經過濰縣青州博山淄川鄒平等處往濟南及山東界其二由膠澳往沂州及由此處經過萊蕪縣至濟南府其由濟南府往山東界之一道應俟鐵路造至濟南府後始可開造以便再商與中國自辦幹路相接此後段鐵路經過之處應於另立詳細章程內定明 第二款 蓋造以上各鐵路設立德商華商公司或設立一處或設立數處德商華商各自集股各派委員領辦 第三款 一切辦法兩國迅速另訂合同中德兩國自行商定此事惟所立德商華商公司道辦以上鐵路中國國家理應優待較諸在中國他處之華洋商務公司辦理各事所得利益不使向隅查此款專為治理商務起見並無他意蓋造以上鐵路決不佔山東地土 第四款 於所開各道鐵路附近之處相距三十里內如膠濟北路在濰縣博山縣等處膠沂濟南路在沂州府萊蕪縣等處允准德國開挖煤斤等項及須辦工程各事亦可德商華商合股開採其礦務章程亦應另行妥議德國商人及工程人中國國家亦應按照

修蓋鐵路一節所云一律優待載諸在中國他處之華洋商務公司辦理各事所得利益不使向隅查此  
款亦係專爲治理商務起見並無他意 第三端山東全省辦事之法 在山東省內如有開辦各項事  
務商定向外國招集幫助爲理或用外國人或外國資本或用外國料物中國應許先問該德國商人  
等願否承辦工程售賣料物如德商不願承辦此項工程及售賣料物中國可任憑自便另辦以昭公允  
以上各條由兩國 大皇帝批准中國批准之約到德國柏林之後德國批准之約交結中國駐德國大  
臣收領作爲互換之據此專條應繕四分華文德文各二由兩國大臣畫押蓋印各執華文一分以昭信  
守○已矣 關聖帝君廟 上親詣行禮○予故哈密辦事大臣文麟附祀哈密古城專祠事蹟交國  
史館立傳○徐樹銘奏國用之寓藏之於民民常則君不致獨貧民貧則君不能獨富古之謂也况戶部  
籌款剖析毫釐無非取之於民大亂之後民氣未復何以支持然則莫如振斯民自有之利使之通力合  
作以收天地生產之精華而可以通商惠工以輔國用之不足者爲亟亟也從古大利在於農而泥之以  
天時之水旱不能全收其利是以西岐教民養蠶以補農政之不足周之祚延八百數十載而國風醇醇  
於爰求柔桑以伐連揚載績厥功興農政並重者所以導民以養之之政而可以爲教化之本也孟子言  
王道曰五畝之宅樹牆下以桑股股爲時君言之至再至三誠以爲欲重民生不能舍本務而但圖末藝

也况浙江之湖州湖北之武昌直隸之保定皆已舉行收有成效海內至廣高原宜山靈下臨宜澤靈北  
方養蠶晚南方養蠶早無不可以充民食實賦稅安忍舉此南北東西數萬里中之膏腴沃土而廢棄之  
臣以爲經國用籌兵餉之大者全在乎此其效與農等而無疆租賑濟之害其利大於鹽而無鹽鴉倫漏  
之害何所畏而不爲者仰懇 皇上飭令各省督撫一體飭令府廳州縣地方將蠶政事宜一一舉行遵  
者保薦違者參劾不得姑息亦不得聽其捏辭搪塞庶從古自然之利可以興矣 上諭徐樹銘奏請飭  
各省舉行蠶政等語蠶政與農工並重浙江湖北直隸等均已辦有成效各省宜蠶之地尙多卽著各督  
撫飭令地方官認真興辦以廣利源○庚午諭王毓藻奏擬陳籌餉事宜一摺據稱山東東海臨濟兩關  
關稅前經提歸公項每歲八萬餘兩此外稅款較優各關前飭認真盤剝等語關稅爲餉源大宗自應實  
力整頓涓滴歸公各關稅款應提充公者諒亦不少豈容經收之員任意侵匿著各該將軍督撫破除情  
面認真盤剝查有應行歸公之款儘數提用據實報部倘再隱匿不報卽行從嚴參處將此通諭知之○  
劉樹堂奏 臣於覆奏練兵籌餉案內將豫省礦務現有商人自借巨款前來認辦等情附陳在案現據翰  
林院檢討吳式釗分省補用道程恩培呈稱與義大利國商人北京福公司代理羅沙第立定合同借款  
一千萬兩設立公司請辦豫省礦務擬名爲豫鑛公司并於原呈暨合同內聲明所借之款商借商還將

來如有虧折歸該公司自理所得礦利以百分之三十五分報効 朝廷較之官銀行以餘利百分之二十分報効實屬加增且開辦六十年以後所置辦礦產業全數報効送到華洋文一標合同三分保款票一紙章程一分等因其保款票者保其所借之款有著也其合同所釀則自借款以迄開礦永遠遵行之信券也其章程則皆該公司開辦以後自行之事例合同保款票兩項均已由義大利公使薩爾瓦瓦填蓋印押作保臣詳加察閱知其借款委實非虛所擬合同九款大致亦尙妥協惟其中稍有隱飾之處臣以私意揣之大約洋商出財華商出力名爲自借洋款實則以洋商而借洋債據吳式釗程恩培亦直言不諱而臣之愚見尙以爲可行者竊以開礦非巨款不辦巨款非集股不成集洋股甚易集華股則難而定章則以集華股爲先集洋股爲禁是以洋商欲於美利欲染指而無由華商紕於贊財願効勞而寡助近年言礦利者紛然成效茫無所賸贖此之由竊查借洋債與集洋股不同向爲功令所不禁而以華商而借洋債與以洋商而借洋債情形尤爲有異況爲洋商自借之債託名於華商在華商則有借款之名並無借款之實賠累可以無虞在洋商雖平分開礦之利並不總攬開礦之權操縱依然在我礦之便利計無有過於此者且卽以華商獨辦而論無論資本或集或借而開礦鍊礦之器具礦化礦之工程仍須仰給於外人是自以自有之財辦自有之礦利仍不免外溢況此資本實出自洋商也且查合同第三款



所謂有該公司執事人等除西大班礦師機師工程師化學師外僱用華人等語該洋商所有之權明有  
限制實與華商自辦礦務無甚懸殊臣先後接見吳式釗程恩培等深知其明於大義志在濟時必能力  
顧大局若准其承辦此項礦務當克勝任現在時局日棘已准洋商在華設廠製造土貨此項礦利尤所  
覬覦若不為先發之謀恐難禁代庖之請惟事關交涉微臣未敢擅便謹照繕該商等議定合同呈請

聖裁如蒙 俞允再由臣將合同加蓋臣衙門關防分別存發俾昭信守并發給執照指派地方以便開

辦得 旨著總理各國事務衙門會同戶部議奏○辛未以 慈福端佑康頤昭豫莊誠壽恭欽獻崇熙

皇太后備幸頤和園 上詣瀛秀園門恭送○劉坤一等奏竊照太倉州及鎮洋縣詳稱縣境所轄之劉

河卽古婁江乃三江之一其水上承太湖從吳縣鮎魚口環崑山縣城繞太倉州城南入幹交口綿互七

八十里為蘇松太三屬農田水利所關同治五年曾經奏請借款開浚由太倉等十六州縣攤徵歸還

案迄今垂三十餘年潮汐往來沙泥停積淤墊日甚若不及早疏治設遇水旱偏災善洩無資為患不堪

設想況江蘇漕糧出自水田水治則田資甚利不治則田受其害是濟河尤為當務之要節經該州縣稟

請開挑臣查俊到任後卽遴派候補道錢志澄前往督同太倉州鎮洋嘉定二縣會同紳董親歷各段測

量勘估自股港門起至浦家港口止工長四千一百餘丈所有挑工夫價以及築壩屏水等項經費約需

銀十萬兩左右應查照成案於蘇松太三府州屬同沾水利之長洲元和吳縣吳江震澤崑山新陽華亭  
雙縣上海青浦太倉鎮洋嘉定寶山崇明等十六州縣熟田項下於二十四年上忙起分作四忙攤徵第  
事關民瘼若俟各屬按忙攤徵捐起始議興挑曠日需時緩不濟急當此庫藏匱乏又無閒款可挪而地  
方水利要工不得不分籌湊濟現擬先由蘇藩庫借撥銀三萬兩蘇藩局借撥銀一萬兩松滬鹽局借撥  
銀二萬兩江海關借撥銀四萬兩共合成銀十萬兩以濟工需仍俟各州縣徵起解還歸款據蘇州藩司  
高緝勳按察使吳承潞蘇松太道蔡鈞會同兼辦水利工程局司道詳請具奏前來臣等伏查河關繫  
蘇松太三屬農田水利年久淤滯疏治萬難遲緩所需經費約計銀十萬兩先由各司關局分籌借撥仍  
於得沾水利之長洲等十六州縣熟田項下分忙攤徵歸補緩急兼籌所全寶大已飭該道錢志澄督同  
在工各員趁此水涸堵築各壩分段開挑總期早日完工力求撙節一俟工竣由臣李燾親往驗收並取  
造實用土方工價細冊送部核銷以歸核實下部知之○壬申諭前據給事中丁之斌奏參直隸道員高  
翰麟等各款當經諭令王文韶確查茲據查明覆奏開單呈覽直隸清和道曹天津道高翰麟通承道沈  
能虎候補道張振榮被參各款均無實據卽著毋庸置議候補道錢奎元亦無擅賣義地情事惟年少氣  
浮行爲謬妄著卽行革職管帶親兵營副將王得勝被參各款查無實據惟性情粗疏不知檢束著一併

革職四門千總任裕昇武弁習氣實不能免著革職留任以示懲儆○乙亥 上幸頤和園詣 慈禧端

佑康頤昭豫莊誠壽恭欽獻崇熙皇太后前請安駐蹕○丙子 上還宮○丁丑加賞通州王恕圖等處

粥廠粟米四百石○諭前據軍機大臣督辦軍務王大臣會奏請將神機營練兵挑選若干另爲選鋒營

勦加訓練當經降旨依議茲據管理神機營王大臣奕劻等奏擬由神機營馬步各隊官兵內挑選萬人

作爲選鋒隊督飭全營翼長教練鎗礮準頭各項雜技及行軍戰陣諸法所擬尙屬切實著依議行該王

大臣等務當隨時督察勦加考驗以期緩急可恃毋得有名無實致負委任○戊寅胡聘之奏遵 旨覆

陳省鐵路礦務現辦情形分繕合同章程清單呈 覽得 旨該衙門彙奏單三件併發○己卯 上

幸頤和園詣 慈禧端佑康頤昭豫莊誠壽恭欽獻崇熙皇太后前請安○還宮○壬午朝 日於東郊

上親詣行禮○上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○以

崇勳爲內閣學士○癸未予大學士麟善績假一月調理以懷塔布署正紅旗蒙古都統

三月甲申朔裕祿奏查船廠製造爲整頓海防要務現既延募洋員教習修造新式之船所造船隻必須

依限告成方能程工節費早濟海防之用前經奴才奏明議造新式魚雷快艦兩號與洋員杜業爾訂定

三年內造成工料並計每號約需法銀二百四十萬佛郎兩號共合四百八十萬佛郎內製船應用鋼料

機器等件廠中一時不能製造者皆先由外洋採購以資工匠觀習所有製造魚雷快船兩號應用鋼件及輪機電燈魚雷礮械子彈等項物料約共需法銀三百二十六萬佛郎製造各廠又須添補新式修船機器並造拖帶輪船進塢拖船及先令本廠學造新式小魚雷艇一隻之各項物料及雷礮等件共約需法銀二十三萬七千二百佛郎以上二項約共法銀三百四十九萬七千二百佛郎上年杜業爾出洋回法採購物料已由奴才先撥給三十九萬佛郎為該洋員分棧採購時發付定銀之用其餘三百一十萬餘佛郎訂明勻作三年物料運到閩廠隨時分付按三年勻付每年即應攤法銀一百零三萬餘佛郎以現在磅價約量估計須合銀三十萬兩上下加以廠中船匠工價及在工華洋各員弁並學堂各教習生徒薪水工食贖銀等項與銅鐵煤木雜料一切用度每年又約需銀二十餘萬兩統計現三年內船廠經費一年至少總須銀五十餘萬兩工作方不誤事自船廠開設以來雖經部核定撥閩海關四成洋稅銀二十四萬兩六成洋稅銀三十六萬兩作為經費而歷因六成洋稅徵不敷支皆未能按數照解奴才到任後竭力經營儘能將四成洋稅內應解銀兩勉籌足數其六成洋稅應解之款實因海關比年協辦增繁已屬竭蹶萬分難再有餘分濟船政是以奴才於光緒二十二年九月間具奏整頓船政事宜摺內將經費支絀情形縷晰陳明恐工費難期應手曾有於洋藥盤金撥數內及六成洋稅之應解出使經

費內勻挪撥之請且以造船原備南北洋海防需用並請戶部於各省應解南北洋海防經費項下勻撥解濟奉 旨交總理各國事務衙門會同戶部議覆以勻撥出使經費一節難以准行由各省應解南北洋海防經費勻撥解濟一節電詢南北洋大臣亦皆稱無餘力分濟由部奏撥銀十萬兩先為開工之用其新造船隻令仍照光緒二十二年六月十八日 諭旨辦理時值所募洋員業已到工原訂合同有來工後卽定以期限先造新式輪船兩隻以俾在廠工匠學習現在各省經費皆非充裕何省有款購船非一時所能商定若俟各省議定再辦必多時日洋員無工坐待月支辛俸不免虛糜因卽察度情形與杜業爾商定先行籌造大千五百匹力魚雷快船兩隻奏奉 允准修造在案現在船已開辦用款正殷此後所購物料絡繹而至尤須隨時付價方不致有逾期貼息及停工待料之累而通籌歷年海關六成洋稅收數照額撥解自顧實難奴才目覩情形不敢以交卸在卽稍存推諉而當此用款喫緊之際又無別法可籌再四思維查有閩海關向有歲撥洋藥釐項下應解南北洋海防經費銀二十四萬兩近年因洋藥釐金收數減色未能按年撥解本年戶部奏催並令於此項二十四萬兩內撥銀十萬兩解交北洋修理旅順礮臺工用竊念船廠籌造快船本為南北洋海防調用與北洋之整頓海防修理臺工事無二致此次應解海防經費除撥旅順之款外其餘銀兩若以撥濟船工是仍以南北洋海防之需為南北洋

海防之用現既造船經費待濟其股合無仰懇 天恩俯准將閩海關洋藥釐項下應解南北洋海防經費銀二十四萬兩除修理旅順礮臺銀十萬兩撥解北洋外其餘十四萬兩暫留船政為湊濟閩廠造船經費之用俾期快艦連成要工無誤俟二年限內快艦造就再行照舊解部實於船工裨益非淺下戶部議奏○乙酉 上還宮○肅親王陸懋卒予祭葬賞治喪銀三千兩○丙戌諮苑雲南石屏州昆明縣屬上年被水田糧○總理各國事務衙門奏泰西各國首重商務不惜以開通國口岸任令各國通商設關權稅以收足國足民之效中國自通商以來關稅逐漸增加近年徵至二千餘萬京協各餉多半取給於此惟是籌還洋欸等項支用愈繁籌撥困苦不繼臣等再四籌維計惟添設通商口岸藉裨餉源查湖南岳州府地方濱臨大江兵商各船往來甚便將來粵漢鐵路既通廣東香港百貨皆可由此出口實為湘鄂交界第一要埠比來湖南風氣漸開詢慮又與湖北毗連洋人為所習見若作通商口岸揆之地勢人情均稱便利又福建福寧府所屬之三都澳地界福安寧德兩縣之間距福州省城陸路二百餘里為福州後路門戶形勢險要閩洋商船亦多會萃於此臣等公同商酌擬於該兩處添開通商口岸庶可振興商務擴充利源如蒙 俞允即由臣等咨行各該省將軍督撫先將應辦事宜妥速籌備再由臣等酌定開辦日期照會各國駐京使臣飭飭總稅務司查照辦理得 旨如所議行○丁亥以載灃為崇文門

正監督○諭剛毅奏請裁冗員薪水及各局雜支等語各省設立辦公處所多立名目任意開銷迭經諭令認真裁汰迄無一省核實遵辦實屬積習相沿不知振作著各督撫責令藩臬兩司將現有各局徑行裁撤應辦各事歸藩臬兩司辦理以節糜費毋得濫派濫支○諭剛毅奏請飭各省舉行保甲嚴禁空糧等語各省保甲原為弭盜而設特奉行日久不免虛應故事至武營空糧實為近來惡習既據該尚書歷陳弊竇更應實力稽查嚴行整頓著各督撫一面飭屬嚴辦保甲聯絡漁團一面仍飭各營認真整頓不得視為具文○諭剛毅奏各省常平社倉久同虛設民間義倉必應勸辦每歲每年積數千石三年數逾萬石雖遇奇荒小民不至失所等語各省積穀為賑荒要政據該尚書詳陳辦法自應實力舉行著各督撫嚴飭所屬俾諭紳民廣為勸辦不得以一奏塞責○戊子總理各國事務衙門奏臣等於本年三月初三日奏請將湖南岳州府福建福寧府所屬之三都澳開設通商口岸奉 旨允准在案茲查直隸撫寧縣屬北戴河至海濱之秦王島隆冬不封每年津河凍後開平局船由此運煤郵政包封亦藉此出入與津榆鐵路甚近若將秦王島開作通商口岸與津榆鐵路相近殊於商務有益如蒙 俞允卽由臣等咨行南北洋大臣順天府尹先將應辦事宜妥速籌備定期開辦得 旨如所議行○己丑 上幸頤和園詣 慈壽琳佑廣頤昭豫莊誠壽恭欽獻崇熙皇太后前請安駐蹕○御史何乃燾奏山西鐵路礦務請

停備洋欸軍機大臣奉 旨該衙門知道○中俄會訂旅順大連灣租借條約成其文曰 大清國 大皇帝大俄國大皇帝欲更敦兩國盟誼互籌相助之法爲此 大清國 大皇帝派總理各國事務大臣太子太傅文華殿大學士一等肅毅伯李尙書銜戶部左侍郎張爲全權大臣大俄國大皇帝派駐華署理全權大臣內廷郎巴布羅福爲全權大臣詢大臣等各以所奉全權之據視爲妥協商訂條款如左

第一款 爲保全俄國水師在中國北方海岸得有足爲可恃之地 大清國 大皇帝允將旅順口大連灣暨附近水面租與俄國惟此項所租斷不侵中國 大皇帝主此地之權 第二款 因以上緣由所租地段之界經大連灣遙北酌視旱地合宜保守該段所需應相離若干里即准相離若干里其確切界限以及此約各項詳細俟此約畫押後在森彼得堡會同許大臣刻即商訂另立專條此界綫商定後所有劃入租界綫內之地及附近水面專歸俄國租用 第三款 租地限期自畫此約之日起定二十年爲限然限滿後由兩國相商展限亦可 第四款 所定限內在俄國所租之地以及附近海面所有調度水陸各軍並治理地方大吏全歸俄官而責成一人辦理但不得有總督巡撫名目中國無論何項陸軍不得駐此界內界內華民去留任便不得驅迫設有犯案該犯送交鄰近中國官按律治罪按照咸豐十年中俄約第八款辦理 第五款 所租地界以北定一隙地此地之界由許大臣在森彼得堡



與外部商定此隙地之內一切吏治全歸於中國官惟中國兵非與俄官商明不得來此 第六款 兩

國政府相允旅順一口既專為武備之口獨准華俄船隻享用而於各國兵商船隻以為不開之口至於大連灣除口內一港亦照旅順口之例專為華俄兵艦之用其餘地方作為通商口岸各國商船任便可到 第七款 俄國認在所租之地旅順大連灣兩口尤要備資自行蓋造水陸各軍所需處所建築廠

臺安設防兵總設所需各法藉以著實禦侮并認以己資修添燈塔以及保航海無虞之所需各項標誌

第八款 中國政府允以光緒二十二年所准中國東方鐵路公司建造鐵路之理而今自畫此約日起推及由該幹路某一站起至大連灣或酌量所需亦以此理推及由該幹路至遼東半島營口鴨綠江中間沿海較便地方築一枝路所有光緒二十二年八月初二日中國政府與華俄銀行所立合同內各例宜於以上所續枝路確切照行其造路方向及經過處所應由該大臣與東方鐵路公司議商一切惟此項釀造枝路之事永遠不得藉端侵佔中國土地亦不得有礙 大清國 大皇帝應有權利 第九

款 此約自兩國全權大臣彼此互換之日起舉行此約 御筆批准之本自畫押後趕緊在森彼得堡互換茲兩國全權大臣將此約備中俄二國文字各二分畫押蓋印為憑兩國文字校對無訛惟辨解之時以俄文為本此約在北京繕就二本○庚寅調那彥圖為正紅旗滿洲都統以崇禮為鑲白旗蒙古都

統○以李占梅為江南提督○壬辰 上還宮○甲午 上祭 先農壇行耕藉禮○上幸頤和園詣  
慈禧端佑康頤昭豫莊誠壽恭欽獻崇熙皇太后前詣安○還宮○乙未 上幸頤和園詣 慈禧端佑  
康頤昭豫莊誠壽恭欽獻崇熙皇太后前詣安駐蹕○丙申 上還宮○祭 歷代帝王廟遣載勛行禮  
○諭軍機大臣等廣東雷州府係屬海疆地方緊要知府邵馨是否勝任抑或人地未宜著譚鍾麟許振  
禔悉心察看據實具奏毋稍遷就將此諭令知之○奎俊奏准部咨令各省查照江西減徵丁漕錢價  
並提解平餘湊還洋款一片光緒二十三年八月初九日具奏 上諭依議欽此移咨欽遵辦理等因  
卽經轉飭遵辦去後伏查蘇省四府一州自同治四年開減賦後絕無浮收抑勒之弊徵收地丁按銀價  
賈賤酌定前因銀價日低經前撫 趙舒奏明自光緒二十二年上忙起每兩減徵錢二百文以恤民  
隱現在各屬一律每兩徵錢二千文一切公費在內漕糧徵數視米市時價為高下歷年酌定徵收每石  
隨收公費錢一千文按年奏報在案蘇省丁銀徵數較各省為最少漕項起運又與折價不同固大異於  
江省而較皖省差殊是蘇屬丁漕兩項委實無可再減均請無庸置議至各屬丁漕隨收公費每解正項  
銀一兩連同補平火耗需錢一千七百數十文所餘僅二百餘文署中公用皆賴於此漕米收價則照每  
年市價隨時酌定蘇漕章程本折兼收聽從民便本高於折則民多完折折高於本則民多完本每定漕

價深費踴躍卽如上年米價驟漲各屬辦漕每石需洋四元二角又須另加運脚而奏定每石收錢二千九百文卽以隨收之公費全行貼補尙屬不敷幸奉折漕二十萬石各屬勻派折解抱彼注茲藉以支持辦運維艱近所罕見此蘇屬紳民所共聞共見者也惟際此度支匱乏時局艱危凡屬臣工敢不勉力籌維以濟國家之急奴才督同司道細查各屬情形擬視徵數之多寡於公費內酌量分提蘇屬共三十五廳州縣除最瘠廳縣免提外其餘分作三等上缺每徵銀一兩米一擔各提銀五分中缺四分下缺三分從二十四年起分飭提解按照上年收數每年計可提存銀十萬餘兩專款造報聽候撥用所提數目雖與部行未合而體察下情實已不遺餘力下戶部知之○丁酉諭軍機大臣等都察院奏山西京官條陳山西商務局借款章程關係重大據情代奏一摺著歸入胡聘之前奏內一併議奏○戊戌 上詣 奉先殿 壽皇殿行禮○上御文華殿俄國使臣巴布羅福覲見○庚子總理各國事務衙門等奏光緒二十四年二月十六日准軍機處鈔交河南巡撫劉樹堂奏豫省礦務請歸商人自借洋款承辦一摺奉 硃批著總理各國事務衙門會同戶部議奏單併發欵此查原奏內稱據翰林院檢討吳式釗分省補用道程恩培呈請與義商羅沙第立定合同借款一千萬設立公司請辦豫省礦務名爲豫豐公司聲明所備之款商借商還如有虧折歸該公司自理所得礦利以百分之三十五分報効 朝廷開辦六十年

以後所擬辦礦產全數報効謹照該商等議定合同呈請 聖裁如蒙 俞允再行加蓋關防分別存發指派地方以便開辦等語 臣等正在核議間復准軍機處片交給事中鄭思賢等奏河南礦務請飭禁借洋債一摺軍機大臣面奉 諭旨該衙門知道欵此 臣等就原定合同逐欵查核內惟第二欵所獲餘利以百分之三十五分報効中國 朝廷雖較之山西礦利多得百分之十而其餘各欵於應徵地賦及礦產落地稅出口稅等均未開載周思八釐亦嫌過重給事中鄭思賢等請飭禁借洋債與御史何乃榮條奏山西路礦停借洋款同一用意劉樹堂原奏則以華商資本難集成效茫然必須借資外人亦不為無見 臣等公同商酌山西礦務既經 臣等將合同章程逐加添改奏准開辦豫省事同一律義英駐京使臣日來催詢自應照案辦理當即督飭義國商人羅沙第仿照山西辦法另擬合同章程二十條與前定山西合同均屬相符惟劉樹堂原擬第一款准該公司承辦懷慶左右黃河以南西南諸山各礦地段過廣應改為懷慶左右黃河以北以示限制謹照錄合同章程恭呈 御覽現准劉樹堂電稱已派商董吳式釗程恩培來京備問擬俟 命下之日即令該商董等與議商羅沙第在臣衙門書押以憑開辦又奏正在核奏間准軍機處片交御史鄭思賢奏翰林院檢討吳式釗候選道程恩培在河南攬辦礦務借端漁利等語軍機大臣面奉 諭旨該衙門查明具奏欵此復准軍機處片交御史李盛鐸奏河南礦

務請詳商辦法等語軍機大臣面奉 諭旨著該衙門查明辦理欽此查鄭思賢原奏內稱河南礦務吳式釗程恩培實主其事二人朋比為姦從中漁利該處不肖官員因其攬有利權趨之若鶩吳式釗託故出京抑至豫省孽孽為利程恩培生長統轄一無所知此等劣員何能經理礦務用特據實糾參李盛鐸原奏內稱河南礦務由總理衙門議照山西章程辦理自係為書一起見惟河南原設章程比之山西原議較為妥善即如由華軍會同洋商辦理一語改為由洋商會同華軍辦理則洋商有權而華商無權事關華洋商人合股辦事不厭求詳可否 飭下總理衙門知照河南巡撫祥商辦理各等語臣等查吳式釗程恩培二員承辦豫省礦務是否從中漁利此外有無劣跡臣等無從訪查應咨行河南巡撫劉樹堂查明覆奏至河南原訂商務合同於應完各項賦稅均未釐敘臣等既議照山西章程一體徵收非將合同各款概照山西辦理無以折服洋商惟合同第三款凡調度商務開採工程用人理財各事一節既據李盛鐸指稱有妨華商利權不厭求詳臣等復與英義兩國使臣論及均以概照山西辦法未甚公平再四核磨該使臣等以為事有波折持之愈堅擬就該款內添敘出入數簿由河南巡撫隨時派員稽查尚不致利權旁落總之各省礦務果能自集華股自行開採原無事招致洋商致增轉輾無如股本既難猝招礦務又未便停辦不得已而借資異地勢不能不予以利益以觀厥成現英義使臣屢向臣衙門催促

覆押臣等以吳式釗等既經被參當電商劉樹堂另擇委員來京商辦旋准覆稱豫省官紳拘守故轍風氣尙未大開強求恐滋貽誤仍由臣等酌量辦理等語臣等公同商酌只令吳式釗先與羅沙第董押一面山劉樹堂隨時察看如果有從中漁利情事卽行撤換以肅政符旨如所議行○張汝梅奏黃河以入海爲歸宿必海口通暢水得遂其就下之性方免汎濫爲災查東省黃河自咸豐五年銅瓦廂決口水入大清河由利津縣鐵門關肅神廟以下入海其始河面雖窄河身尙順故黃水猶能容納其後逐年淤墊河身日高至光緒八九年以後幾於無虞不決上游愈決則下游愈淤海口亦因之高仰迨光緒十六年韓家垣決口前撫臣張曜遂奏請建築攔黃大壩將清河截斷以韓家垣爲入海之路行之數年韓家垣又復淤墊至光緒二十一年呂家窪決口大溜傍洩韓家垣積淤日甚淺可膠舟二十三年前撫臣李秉衡於是奏明開挖陳莊新河至李家皂以入肅神廟鈎河之舉乃挑工未畢偏值是年十一月凌水暴漲灌入新河不能施工致宣洩仍復不暢二十三年北嶺西灘兩處漫決水由綵綯口入海正河幾至斷流嗣後西灘漸次淤塞大溜全注北嶺復由北嶺倒灌至四灘漫口分入正河涓涓細流今已全行湮塞此現在清河淤墊水已改道之情形也伏查山東黃河受病不止一端而目前急則治標先以疏通海口爲第一要務臣前奏請開缺南陽鎮總兵崔廷桂銜蒙恩允該員於咸豐年間南河鹽工卽身親

其役後官河南歷辦大工於修防最爲熟悉該員到東後臣派令總理修防事宜先自中游長清縣起自利津海口周歷履勘茲據稟稱由北嶺口門至絲網口入海計七十餘里均已刷成河身其勢極順現擬自北岸薄莊起至南岸北嶺子止修築新堤一道計長四百二十丈將舊河截斷並將迤下西灘旱口堵塞將舊河南堤改作新河北堤南岸則從十六戶迤下起至絲網口迤上之二道嶺止計長七千丈修建南堤一道使河身有所收束得以通水刷沙尼崗可期通暢北嶺有東堡基卽改挑水壩鑲修隄埝以托溜勢惟十六戶河面甚窄正當頂衝應將該莊遷徙等情稟請核奏前來臣查水性就下其勢使然自上年五月北嶺決口大溜由絲網口入海勢極通順前據臣李秉衡於上年九月奏請留爲入海之路欽奉硃批著照議妥辦等因欽此欽遵在案惟彼時止河尚有微流故復請開段挑挖留爲分洩之路今則正河自北嶺以下淤高至二三尺涓滴不通若復遂段挑挖自北嶺經陳莊至李家皇三十餘里工費繁多既難籌此鉅款且水分行則溜緩力弱易致停淤自以將舊河截斷使全溜專由北嶺入海爲是李秉衡原奏謂將來有無變遷隨時因勢利導蓋亦未嘗不應及此耳至十六戶在北嶺迤上中隔南嶺一莊已被水坍塌十六戶對岸爲鹽窩河面寬僅一百餘丈該處河形本自南而北至鹽窩屈曲東行正當坐灣頂前加以河面過窄奇險迭出每年鹽窩一處搶險助費以萬金仍無把握設有疎失則北岸利津需

化均受其害茲擬勸諭十六戶居民擇地遷徙將鹽窩裏護駝石逼溜東行使河身逐漸展寬則鹽窩險  
工可以漸臻鞏固以下孟莊呂家窪等處均改在背河逐年防汛料物亦可節省辦法頗爲妥協臣復稽  
諸衆論調謀衆同已飭趁桃汛以前趕緊興辦應需兩岸築堤經費撥節估計需銀六萬餘兩當效庫帑  
支絀不敢請撥部款上煩 宸廑卽飭賑務局設法先行籌撥濟用以工代賑總期工歸實用款不虛糜  
仰副 朝廷保衛民生至意得 旨允行○壬寅 上還宮○丙午 上詣 奉先殿 壽皇殿行禮○  
上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○諭軍機大臣等有人  
奏順天府西路廳同知謝裕楷前在大興縣任內賊款疊繁東路廳同知劉仲城前在房山縣任內因查  
賑致閩縣罷市辦理昭信股票乘知州許元震州考之際拘集商民勒令認捐劣藉朱左泉改名朱鳳藻  
報捐主簿分發直隸仍在順天作善又在東路廳與劉仲城狼狽爲奸等語著胡燏棻確切查明據實參  
奏毋得稍涉徇隱原片著鈔給閱看將此諭令知之○丁未諭朕欽奉 慈禧端佑康頤昭豫莊誠壽恭  
欽獻崇熙皇太后懿旨著於閏三月二十日起分作三日在火器營校場閱看火器營健銳營神機營及  
武勝新隊欽此朕恭侍 慈輿恪遵 成憲整軍經武式操戎行所有應行事宜著慶親王奕劻詳查舊  
案敬謹預備○諭伍廷芳奏京營及各省綠營請參用新法訓練等語著軍機大臣會同神機營王大臣



八旗都統妥議具奏○戊申予故湖南提督一等果勇侯楊芳於湖南鳳凰城建祠○己酉崧蕃奏光

緒二十二年二月二十六日承准軍機大臣字寄本年正月三十日奉 上諭雲南向產五金貴州出鉛

素旺山西所出之鐵夙稱精良現雖未據覆奏均宜及時攻採以期逐漸推廣著卽將辦情形據實迅速覆奏總之開辦礦務以金銀礦務爲最先各該省如能實力訪查確有金銀礦地設法興辦自較煤礦等項得款爲鉅等因欽此仰見 聖上深宮焦勞推廣利源之至意下懷欽悚吳可名言查雲南五金各廠承平時計有六十餘處兵燹以後除銅務一項已蒙 特派唐炯督辦外其餘金銀錫鐵各廠計尙有三十處之譜或洞老山空久經停歇或從前極旺之地現在積水過深無從著手或現雖開辦而所出無多僅敷成本或官雖封禁而附近無業貧民不時私自採取種種情形不一而足當此時需款孔亟允宜收此天地自然之利以裨 國用而裕度支奴才身受 厚恩天良具在敢不竭力圖維冀紓 宸慮當飭藩臬會同善後局司道妥議詳辦現擬遴委熟悉礦務之員分赴各屬先將舊有金銀各廠會同各該地方官一律查勘明確分別何處可辦何處不可辦再設法籌備官本在於礦苗最旺之處認真開採以期得款較鉅一面廣集商股加委委員逐漸擴充辦理并將錫鐵各廠亦次第興辦雲南地處邊瘠兵燹後寶少富商大賈若不先發官本商民仍多觀望必致日久無濟徒誤事機且查雲南礦務從前承平之

時均係用本地工匠開採煎煉歷著成效此次亦擬不設機器廠不用外洋礦師以節糜費而杜後患務使開一分利源中國即得一分利益惟是天財地寶半皆應運而生消長盛虛非可先機而決應懇 天恩俯准 敕部將一切例章略為變通并予限期俾奴才得以督飭承辦各員招集紳商廣為開採斷不敢畏難苟安一奏塞責自干咎戾下戶部知之○庚戌 上聖宮○諭徐桐奏司員執法肅求據實糾參一摺戶部候補主事陳昌圻因會典館所得獎敘不愆意存舞弊實屬罪大妄為陳昌圻著即行革職以示懲儆○辛亥諭榮祿剛毅奏遵旨查明敷漢郡王達木林達爾達克被參各款及另案被控派取銀兩情事據實覆陳一摺此案已革昭烏達盟長敷漢郡王達木林達爾達克原參於所屬貝勒巴爾爾濟哩第補放副盟長並無囑令指託越次請補之事其指伐園場樹木私造令旗等項或得自傳聞或查無實據均著毋庸置議至修葺園寢購買快鎗所用銀數未能核實尚非任意浮冒蓋造府第亦未勒索實係惟因練兵苛派費眾既有十旗印文可憑又另案折罰翁牛特旗銀兩顯係故違定例藉端擾實屬各無可追敷漢郡王達木林達爾達克業經革去盟長著再革去扎薩克開去御前行走撤銷三眼花翎黃繡以示懲儆翁牛特郡王贊巴勒諾爾布濫用印紙不知慎重亦有不合著交該衙門議處另片奏達木林達爾達克縱令眾弁殺害佃民一案著壽隆就近提集人證秉公訊結具奏再行降旨達木林達爾達

克著卽赴熱河聽候傳喚○兵部奏議覆廣西巡撫黃槐森奏武場改試鎗礮並考取中式分別選用一摺請 飭令各營撫各就見聞所及詳細奏明並開列各項章程報部酌辦得 旨如所議行○壬子兩○諭都察院奏已革道員由提塘遞送印票專摺糾參一摺已革廣西太平思順道何昭然以被參讓結之案輒由提塘齎投印票實屬有違定制該員業經革職所呈各節毋庸置議嗣後革職人員如有申訴情事應親赴都察院呈遞備再有擅具稟件交由提塘投遞之事定當嚴懲不貸○癸丑松淮等代奏工部候補郎中唐浩鎮請令各省自闢利源以贖國用下戶部議奏○是月法蘭西國新簡駐華使臣畢盛抵任

光緒一百四十四

臣朱壽朋敬編

臣潘鴻鼎恭校

閏三月甲寅朔 上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○以

啟秀署正藍旗蒙古都統裕德署鑲白旗漢軍都統○丙辰大學士麟書卒予祭葬贈太子太保尋予諡  
文恪○予故吉林補用道李金鏞於漠河地方建祠○丁巳 上還宮○庚申 上幸頤和園詣 慈禧

端佑康頤昭豫莊誠壽恭欽獻崇熙皇太后前請安駐蹕○諭軍機大臣等有人奏前月福建省練兵在  
督署呈控總帶廉凱一事幾釀大變廉凱署城守營副將兼帶練兵什長哨官皆由賄派並有創收賭規  
虛額扣餉各情弊請飭查辦等語著邊寶泉按照所指各節確切查明據實奏該督向來辦事持正醇  
不至稍有迴護原片著鈔給閱看將此諭令知之○癸亥諭軍機大臣等總理各國事務衙門奏請簡派  
船政大臣等語福州將軍增祺著兼充船政大臣○訥欽奏奴才前因查辦唐廓交涉事件首將邊界原  
委並通商完結各情形兩次陳明在案嗣於光緒二十二年十二月接奉十月二十八日 諭旨訥欽另  
奏唐廓疆米通商事務現經委員和解遵斷完結一摺尚屬妥協所有出力委員准其酌保數員毋許冒

濫欽此仰見 皇上垂念邊疆微勞必錄之至意曷勝欽感奴才伏查唐廓邊界遠在藏屬西南與哲孟

雄部落毗連綿互要隘五區皆係分界之所自乾隆五十七年經大將軍福康安劃定後各衛疆界並無

異言後雖偶有參差一經查勘旋即遵斷完結迨至光緒十六年兩國失和將鹽米通商事務全行停止

在藏屬邊民難更生計而廓夷無鹽可購尤覺困苦難堪迄今業經停關數年其迫切情形已可想見乃

廓爾喀並不明言其故藉端要挾擅謂聶拉木絨轄兩處邊界與先年舊址不符稟請派員查辦在藏番

並無侵佔情事無端被控亦申訴不休至二十一年五月經前任大臣奎煥奏派署後藏都司耿紹宗帶

同番官前往聶拉木查辦據稟該處所屬之漳木地方向有新舊鐵鎖橋二道番官以舊橋為界執有字

樣為憑廓爾喀則以新橋為分界之區任情狡展互相爭執是以日久并未劃清彼時由奴才發去示諭

極力開導並飭該都司將番官字樣鈔寄廓王閱看以期折服其心旋據該國王稟稱因見鈔來番官字

據查驗不虛情願遵辦惟絨轄邊界係在熱降地方藏番私將界碑移至聶隆侵佔之地甚多求將此案

調減派員與喇叭丹商辦等情奴才查閱來稟詞雖恭順而其要挾藏番之意溢於言表竟似藉此口為

起事地步且兩國均無稿卷若由委員等在外查辦此事恐終無了期當將都司耿紹宗撤回調派後藏

糧務胡印霖與駐藏喇叭丹會商就近稟承以求妥速完結正在籌辦之際適四川督臣鹿傳霖寄來電

旨飭令奴才妥籌措置復由鹿傳霖奏派補用知府李毓森前往廓都解和當經奴才查明除此界務之外並無另有起釁別故若遽派員前往恐不免滋彼之疑曾經咨達四川督臣令李毓森先行來藏相機辦理復又據派若理拉里糧務試用縣丞張鳳德洋務局委員候選京府經歷余景諱分往唐廓交界處所潛為偵訪一面飭行噶叭丹到署面加詢問再三究詰始據稟請該國自停止通商之後食鹽不但價昂而且日久生病倘不循照舊章交易我國即興兵奪取鹽地如此了結則絨轄界務自易於商辦等語嗣據偵察委員稟報該處輿論與噶叭丹所稟大致相同奴才當以事機關繫匪輕復添派知府李毓森會同胡用霖傳集噶布倫等告知底細飭令趕緊照舊通商並就先年掉換鹽米章程查其所不便者酌為增減飭由兩國出具和約底稿示以必行該商上昏愚無能始猶任情排斥繼復開導方恍然警悟照諭遵行迫訂約之際兩造皆欣然樂從而廓夷之威戢并稟請將來鹽米互市派員前往督辦而於界務一事猶週護前議不肯遽認其非先是奴才因界務軒輊查無案據曾於是冬據派委員帶同番官潛赴絨轄一帶細為查驗後據稟報由熱隆西至葛隆約計一百五十餘里絨轄之管官寨即設立其中東至熱隆九十餘里沿途司院民戶向歸唐古忒管理相安已久訪之年老番民咸無異詞其距藏隆橋二十五里有一旭乍地方唐古忒設有番房一處內住番兵盤查出入該廓夷兵房係在藏隆橋外相離

里許皆是連年藪址似此情形則原界並無錯誤不辨自明等情前來奴才遂將查報各節逐層指示檄飭屬土遵辦不准再行狡展干咎並飭委員胡用霖等前往濟甯等處督同開辦通商事務旋接到該國王覆稟據稱熱降界務業蒙在臧了結自應遵從不煩派員赴邊各語是分界一節雖未甘心行咨而無詞可辯竊已就範與漳水鐵鎖橋之界務業經一律遵依自應據其所呈准為銷案至委員胡用霖等馳赴各隘開辦通商據報濟甯拉木兩處為通商總隘掉換鹽米業經照章開市以錢購鹽價值亦經代為酌定兩造均已恪遵惟駐藏廓目他噶里以鹽米均須官為驗收藉以營私復以鹽價倍昂反撥狡展經委員設法開導並由奴才札飭廓王從今循照舊章不得另生枝節往返數次直遲至本年二月間始據來稟遵允完結奴才查唐廓兩國廓夷日強久有輕視藏番之意此次以邊界啟釁而其意實在通商所以不肯明言者殆欲以界務為名為將來攘奪鹽米地步奴才查悉其隱是以於鹽米交易之事極力調停先遂其所欲然後詳查舊界就現時之確有可據者以阻其叟挾之謀仰賴朝廷威福番屬聽命卒得從容賦事鉅案頓消從此邊境又安庶可以上紓宸慮此奴才奉命查辦業經一律完竣之實在情形也至前後派出之委員承辦此案業經二年有餘實心任事無間初終或遠涉荒陬歷盡冰霜之苦成勞形案牘濇消兵革之端力轉危機應照異常勞績分別核給獎敘前已蒙恩允准酌保數員毋

許冒濫現當全案完結所有在事之漢番文武員弁擇其尤爲出力者請另繕清單恭呈 御覽

天恩俯念此次番夷構釁兵象將成幸賴該委員等設法疎通化險爲夷得以息戰爭之禍雖未從戎著

續實與查辦尋常邊案不同應請 飭部從優照異常勞績核議准行以昭激勸得 旨如所請行○甲

子 上還宮○乙廿諭軍機大臣等御史潘慶瀾奏安徽水災皖北及淮徐一帶飢民約十餘萬沿途覓

食苦不堪言皆山州縣報災不實災區輕重與領款多寡皆不相符請飭速籌賑撫等語上年江北一帶

水災甚重經諭令該督撫妥速籌濟若如該御史所奏州縣報災不實督撫憑報籌賑辦理未能核實

以致冬賑不周春耕失業殊負朝廷軫卹民艱之意著劉坤一鄧華熙嚴飭各屬認真查勘妥速賑撫並

將報災不實州縣據實奏參原摺均著摘鈔給與閱看將此各諭令知之○魏光燾奏准戶部咨議覆黑

龍江副都統景祺奏請專設餉稅藥牙一摺奏准咨行到陝當經行司派委委員分赴查辦惟昭信股票

現方委員勸借商民財力有限若同時並舉誠恐顧此失彼難期有濟請暫爲展緩下戶部知之○丙寅

上幸恭親王邸第視疾○丁卯 上幸恭親王邸第視疾○庚午中俄會訂續約成其文曰 大清國

國家與大俄國國家願在俄歷九十八年三月十五日北京所定條約增立數款兩國秉樞大臣議定如

下第一款 按照原約第二條租與俄國之旅順口及大連灣遼東半島陸地其北界應從遼東西岸



亞東灣之北起穿過亞東山脊山脊亦在俄國租地內至遼東東岸皮子灣灣北盡處止租界附近水面及陸地屬

兩各島均准俄國享用兩國各派專員就地詳確勘定所租地段之界綫 第二款 從第一款所定地

段北界起應照北京約第五款所定陸地其北界綫應從遼東西岸蓋州河口起經輔巖城北至大洋河

沿河左岸至河口此河亦在隙地內 第三款 俄國國家允西畢利鐵路連接遼東半島之枝路亦處

在旅順口及大連灣海口不在該半島沿海別處又公同商定此枝路經過地方不將鐵路利益給與別

國人至中國以後自造路從山海關接長至此枝路最近之地俄國允不予預 第四款 俄國國家允

中國國家所請允聽金州城自行治理並城內設立應需巡捕人等中國兵應退出金州用俄兵替代

此城居民有權往來金州至租地北界各道路並日常需用附城准俄國享用之水但無權兼用海岸

第五款 中國國家允認一非俄國應允不將隙地地段讓與別國人享用二不將隙地東西沿海口岸

與別國通商三非俄國應允不將隙地地段內造路開礦及工商各利益讓給 第六款 以上議定各

款繕立華文俄文專條各一分由兩國全權大臣畫押鈐印遇有講論以俄文為證 附件一 查三月

三十日電陳專條全稿係據俄外部所交法文稿譯出嗣外部商定應照北京條約配用俄文漢文各一

分所配漢文係從俄文譯出與上次電稿字面微有不同數處第一款電稿山脊亦在所租地段內今照

俄文譯爲亦在俄國租地內語意並無出入又電稿至遼東東岸近皮子灣灣北止蓋謂皮子灣灣北之附近處地界應逾灣北今照俄文譯爲皮子灣灣北盡處止地界應以灣北盡處爲止較前稿語意似稍明確第三款電稿在旅順大連灣不在該半島別海口今照俄文譯爲在旅順及大連灣海口不在該半島沿海別處第四款日常需用附城之水今照俄文譯爲附城准俄國享用之水語意均無出入又第三款中國以後自造路一語俄文改爲自己力量造路語意有別經與外部辯明另備文聲明已據外部照覆與法文語意講解無異故漢文並不改譯合併聲明 附件二 爲續補俄歷九十八年三月十五日條約所附專條事本部奉俄主諭稱俄國國家體 中國國家所商之意并顧念兩國睦誼允將俄兵屯紮金州城外作爲試辦惟萬一城內有亂或居民與俄兵攻打則俄兵卽行入城等因特此照會貴大臣查照○辛未 上幸恭親王邸第視疾○上幸頤和園駐蹕○癸酉 上至火器營閱操○還頤和園○甲戌 上至火器營閱操○還頤和園○張之洞等奏竊維周禮六職飭其材月令五庫審其量是萬物有曲成不遺之妙自工爲自古政令所關光緒十六年臣譚繼洵到任後卽經會同臣之洞諭飭司道籌款興辦置業會於十九年三月將辦理情形會銜具奏旋因辦有成效臣繼洵又於二十二年兼護總督任內奏明各在案近年廣招學徒添設織機六十張仿織江浙縐緞各料精益求精銷路愈廣經費足資

周轉現擬擴充規模就局中委員司兼管新募工匠學徒講求工藝以備農桑蠶織之不足伏查內地所產麥草本非貴重之物織成草辦粗細式樣約二百餘種行銷甚有利益歲山東烟臺一處而論每年銷價計銀已有一二百萬兩之多所造之貨女工居多又樟樹易於種植採葉製煉可成樟腦向有成法廣東近已仿造亦可暢銷他如日用所需有洋蠟燭洋紙壓油等物多以廢棄之布縷毛骨鎔煉而成湖北民貧地瘠水旱頻仍尤當設法補苴用蘇民困茲由山東萊州招雇織辦上等工匠來鄂收買麥草即於蠶桑局添募本省學徒令其盡心指授由粗及精一面飭令民間廣栽樟樹現有長成之本先行收買試熬樟腦並購運器械逐漸仿製洋蠟燭壓油等物俟辦有成效即擇學徒之精其法者派赴各屬轉相傳授總期失業者得所工作成物者各盡土宜以副 朝廷利用厚生之至意下所司知之○乙亥 上至火器營閱操○迴頤和園○丁丑工部右侍郎惲彥彬因病乞休允之○戊寅 上御玉瀾堂德國親王亨利親覓○己卯 上還宮○以楊頤爲工部右侍郎○諭給事中高燾會奏昭信股票宜分別辦理一摺昭信股票原期上下流通不特爲暫時籌款之計前經諄諭不准苛派抑勒若如所奏各省辦理此事名爲勸借實則勒索催迫騷擾閭閻莫此爲甚亟應嚴行查禁著各督撫通飭各該地方官遵照部定章程妥爲辦理商民等願領與否各聽其便如有不肖官吏藉端指派致滋擾累立即查參懲辦以杜流

弊而順輿情○庚辰 上御文華殿法國使臣畢盛觀見○以楊國兼署工部左侍郎○辛巳諭朕欽奉  
慈禧端佑康頤昭豫莊誠壽恭欽獻崇熙皇太后懿旨此次神機營火器營健銳營武勝新隊操演各  
項陣法技藝嫻熟步伐整齊施放鎗砲聲勢均尚聯絡該管王大臣督率有方允宜量予恩施用昭激勸  
奕劻載漪均著賞加二級熙敬桂祥恩佑芬車敬信剛毅均著賞加一級神機營武勝新隊全營翼長均  
著賞加二級賞給八綵緞一件各營備操官員均著賞加一級各營備操兵丁馬步技藝兵丁著每名賞  
銀二兩各項執事兵丁著每名賞銀一兩以示獎勵仍著該王大臣隨時督練精益求精俾効禦侮折衝  
之用欽此朕敢侍 慈輿親臨簡閱現當整軍經武之際該王大臣尤應訓勵弁兵益加講肄毋得始勤  
終惰以副朝廷委任至意○戶部奏工部尚書松淮等代奏工部候補郎中唐浩鎮請令各省自闢利源  
以贖國用一摺光緒二十四年三月三十日欽奉 諭旨戶部議奏欽此欽遵由軍機處鈔交到部據原  
呈內稱富國之本首在足民生物之功資乎因地今者世變益亟財用內匱各直省官員未聞以何物可  
興何項利益何處可植何種樹木詳籌以增國庫者中國膏腴至廣生產最繁誠以各省土性之所宜廣  
植物產其已備者擴而充之未備者購種給之務使無曠土無游民而止一曰蠶桑中國產絲之區以江  
浙爲最江浙以近太湖者爲最蓋湖水澄清性肥而暖故以水灌桑則葉茂以桑飼蠶則絲綉以太湖例

之郡陽樂湖洞庭大明金明滇池昆明各省之湖誠能推廣此意徧興蠶桑則絲繭皆能光白柔韌遠勝於日本意大利諸邦而收大利二曰葡萄外國葡萄酒爲貨物之大宗其酒稅爲國課之大宗考察奉天吉林土性皆宜葡萄能廣種購機以釀復能推而行之直隸西山山西太行陝西華山山東泰山河南嵩山泉甘土沃之區則酒產日豐酒銷日旺而酒稅可以贍國用矣三曰種棉中國棉花向推順天平谷綵長色白足與美國南海島稱相匹洋棉價貴每百斤需洋三十三元華棉價賤至十七八元故華棉行銷外洋以之紡紗織布轉運中國銷售尙有巨利今江蘇兩湖產棉亦旺宜令各省凡土脈鬆厚山陸高燥之地廣爲播種歲入不可勝計四曰種蔗甘蔗爲中國獨有之利西人試種愛爾蘭之地而不合土宜且枯瘦無糖故中國絲茶而外蔗糖爲西人最嗜雖法人之糖葡糖美國之楓脂糖不足比也惟不用機器提製色味不潔若令江西浙江江蘇安徽常種蔗之地廣植豐收購機製造則歲增之利無算五曰種竹竹之爲物可製器可造紙獲利較他產尤速中國除直隸山陝諸省不能豐植餘皆可種產紙之區向以浙江之紹興安徽之宣城甯國爲最惟春煮烘焙仍未得法若用洋機製造和以管麻加其堅韌則成紙速而銷場廣每年洋紙數百萬之利可以抵制而竹竿竹器出口之價亦可歲增六曰種樟樟腦爲製炸藥所必需其漲力可增至五千倍日本與臺灣所產最旺中國江西湖南安徽廣西等省苟能

廣植不數年間即可熬膠每十斤可值洋五元其利什伯倍於他產七曰種橡西人歲剝橡樹皮熬膠以製器物級級長利無窮以之爲物廣狹屈伸各適於用中國各省有之雲南最多西人名曰膠樹今宜專收橡子在民播種數年即可剝膠行銷外洋足奪意大利及舊金山所產之利八曰種菸與加非菸性能滌穢化痰中國關衷菸葉味較芳厚第不喜收儲又不知卷成紙菸致巨利爲人所侵如令直隸奉天擇其隙地廣種菸子收儲地中一二年後退其火性購機卷製亦可行銷外洋加非一物始於非洲西人日用必需銷路大廣故各國市肆但設加非之館近通商口岸華人俱嗜之與紙煙同宜令各省添種加非之樹其利較種茶尤厚凡此八利如蒙 諭旨飭令直省各督撫詳查地宜購種發給以郡守牧令總其成以同知通判縣丞等分任其事各州縣能勸種樹木三十萬株以上農利三百畝以上考核得實立與擢用奉行故事者罷黜之地方官吏亦視種植之繁簡爲考成按圖立冊就地課稅土產既加多稅自益旺足國之道權與於此各等語上等竊維樹藝與耕耘並興本天地自然之利爲農民切要之圖值此時局艱難度支奇絀各省地方有司尤當審量土宜廣開利源藉紓 國用迭經欽奉 諭旨飭令各省考核錢糧稽核荒田開辦蠶桑振興商務並行各省督撫就地籌款如有可興之利隨時陳奏以應急需上年九月御史華輝奏令各省請求種植水利亦由工部會同 戶部通行在案復據都察院左都

御史徐樹銘奏請舉行蠶桑並護理陝西巡撫張汝梅奏請通行各屬如蠶桑種植等項凡有裨生計者飭令興辦亦已奉准咨行臣部郎中陳熾復編輯富國策一書內詳載植樹富民種桑育蠶葡萄造酒種竹造紙種樟熬腦種木成材種橡製膠種茶製茗種棉軋花種蔗製糖種菸及加非以供食用各說業由坊間刊行臣等職司農政凡內外臣工條奏興利摺件無不行令各省設法振興無如各省於種植一事迄未舉行或土性實有所不宜抑民情有難以相強現據該郎中所陳蠶桑葡萄種棉種蔗種竹種樟種橡種菸八利實皆臣部郎中陳熾所輯富國策中之旨臣等反覆推勘亦知地利之可與惟風土異宜亦難必成效之可觀即如蠶桑一事前據廣西巡撫馬玉璠奏稱興辦未及兩載而桑秧蠶子靡有子遺又如葡萄製酒前據山東巡撫奏稱東海關道盛宣懷仿照外洋法製造價廉味美准該商專利十五年又據山西巡撫奏稱汶水一帶所產葡萄最佳誠宜設局開辦現在是否確能釀造能否行銷出洋未據該撫等奏咨到部此外如軋花製糖熬腦製膠菸卷各事非購有外洋機器則貨物不精非熟習商務情形則獲利不厚且未察物產之多寡銷路之暢滯更不講求製造諸法亦恐未必有益應請 旨飭下各直省將軍督撫各就地方情形詳加考察認真舉辦如樹藝有合土宜製造有可抵制外洋之處應如何定章勸懲即行奏咨立案以重 國課而開利源得 旨如所議行○壬午諭軍機大臣等孫家鼐胡

炳基奏安徽鳳泗等屬災重日長亟宜賑濟請飭開辦賑捐並先籌鉅款分遣委員妥爲賑撫等語著劉坤一鄧華熙一面開辦賑捐一面遣員飭往分別賑撫安輯災黎毋使流而爲匪是爲至要

夏四月癸未朔時享 太廟 上親詣行禮○乙酉常雩大祀 天於 圓丘 上親詣行禮○上幸頤

和園詣 慈福端佑廣頤昭豫莊誠壽恭欽獻崇熙皇太后前請安駐蹕○丙戌會宗彥奏請精練陸軍

統改洋操軍機大臣奉 旨戶部妥速議奏○榮惠奏請特設商務大臣及選派宗支游歷各國得 旨

著總理各國事務衙門議奏○丁亥 上還海○御勅政殿德國親王亨利親見○幸頤和園○辛卯

上幸圓明園○還宮○壬辰恭親王薨○戶部奏據陝西巡撫魏光燾片奏准戶部咨議覆黑龍江副都

統景祺奏請專設鋪稅藥牙一摺奉准咨行到陝當經行司派委委員分赴查辦約計甚需時日兼以昭

信股票現在委員勸借商民財力有限若同時並舉誠恐顧此失彼難期有濟請暫爲展緩各等語光緒

二十四年閏三月十二日奉 硃批戶部知道欽此欽遵由內閣鈔出到部等查鋪稅藥牙二事原議

令各省本年四月起一律舉辦並聲明按照該副都統所陳各節限本年三月概行據實覆奏等因奏准

通行在案現計已逾三月之期各省能否舉行未據奏咨報部惟陝西撫臣首先覆奏所稱昭信股票

現已委員勸借商民財力有限若鋪稅藥牙同時並舉誠恐顧此失彼難期有濟自係實在情形且藥牙



一事該副都統所奏並非專指土藥辦法尚須推求等公同商酌陝西一省如此推之各省情形當亦

相同應請 旨飭下各直省將軍督撫都統所有鋪稅藥牙一律酌量暫緩開辦以恤商艱得 旨如所

議行○癸巳 上諭 大高殿祈雨○上幸恭親王邸第賜奠○諭朕欽奉 慈禧端佑康頤昭豫莊誠

壽恭欽獻崇熙皇太后懿旨恭親王奕訢誼屬親支久喪密勿溯自同治初年予同 孝貞顯皇后垂簾

臨政其時東南未靖國事多艱恭親王朔贊謨猷削平大難論功行賞特命以親王世襲罔替三十餘年

恪恭奉職殫竭忠忱其間養疾家居旋復起膺樞要朝夕從事力任其難二月之杪殤疾舉發予率皇帝

節次親臨看視惟冀安心調理可卽就痊不意本月初十日遽爾長逝時事方殷失此良弼予懷震悼曷

可勝言本日臨邸奠醊追維曠昔眷念勳勞恭親王著賜諡曰忠入祀賢良祠守衛園寢添設丁戶四時

祭祀官爲經理伊孫溥儀著卽日承襲親王用示篤念宗親愴懷賢輔至意○諭朕欽奉 慈禧端佑康

頤昭豫莊誠壽恭欽獻崇熙皇太后懿旨我朝家法親郡王等有功在社稷者皆得配享 太廟所以示

崇敬之典爲萬世人臣樹之鵠也溯當咸豐十年 文宗顯皇帝秋獵木蘭恭親王奕訢留京辦事中外

又安迨同治初元垂簾聽政恭親王首膺重寄入贊樞機薦舉賢才肅清區宇數十年來蹇蹇匪躬恪勤

罔懈王之功績溥博咸知王之悃忱 祖 宗昭鑒今不幸遭疾奄逝論其德業充足侑食 廟廷著大

學士九卿攷定位次一應典禮詳議以聞○諭朕叔恭親王天賦聰明宅心忠正自幼爲 宣宗成皇帝所鍾愛 遺詔命爲親王追 皇考文宗顯皇帝踐祚命在軍機處行走同治初年 兩宮皇太后特加倚畀授爲議政王旋命以親王世襲罔替並加一員勅賞食雙俸凡軍國重事無一不盡心規畫上協聖謨中問養病數年又復起膺重寄夙夜匪懈始終不渝上月之杪放喘頓作猶力疾視事經朕再三慰諭始請假調理閏月中旬疾勢增劇朕奉 皇太后三次親詣邸第看視王氣息僅屬股股以國事爲心方冀藥物扶持漸卽康復不意於本月初十日遽爾薨逝惟近支尊長中王年德最尊勳業最隆失此股肱島勝震悼著賞給陀羅經被卽日親臨奠醴較朝五日朕素服十五日派總管內務府大臣啟秀辦理喪事所有一切事宜俱由官經理其餘飾終典禮該衙門詳查例章具奏○諭宗人府奏郡王銜多羅貝勒載澤呈請賞給穿孝百日一摺載澤著賞穿孝百日○張之洞等奏據湖北在籍紳士翰林院檢討陳曾佑等呈稱伏查光緒二十一年十二月總理衙門議覆御史陳其璋推廣學堂一摺內稱請飭下沿江沿海督撫於已設學堂重爲展拓未設學堂擇要仿行聽令官紳集資奏明辦理等因奉 旨通行遵辦在案近年以來各省莫不仰體 朝廷儲才備用之意以增廣學堂整頓書院爲先湖北省創設兩湖書院近又擴充經心書院期於研究實學兼綜道藝融貫中西惟是鄂省十府一州縱橫千里若不一律

設法推廣雖省會已得風氣之先而鄉僻終虞山林未啟紳等通盤籌畫既不能以民力艱難置學校於不顧又不欲以籌捐紛擾蹈人情所不安竊查上年戶部議准給事中龐鴻書奏就各省丁漕折價收錢應減徵錢數等因奉 旨允行仰見 聖明動恤民隱凡有知識欽感同深願念推廣學堂變經奉 旨准令籌資創建若欲就地籌捐無非取之於民查湖北全省丁漕減徵平餘一項查照部議每銀一兩減徵錢一百文每米一石減徵錢一百四十文約計不下七八萬串多係奇零散數湊集而成取之不過毫釐合之斯成鉅款若以創建學堂自省會以至各府州縣於已設者展拓未設者推行其減徵錢文應請卽由徵收州縣隨止供解交藩庫另款報解正其名曰學堂捐並擬請於省城及外府州各設興學局輪舉公正紳士按年領款分發各學堂省城書院學堂較多爲通省人才所萃應分其半以外十府一直隸州在府城州城各設一學堂分用其半十一屬攤勻承領一歸簡易大郡劇縣捐款較多而平日已入省城學堂者極多且紳富集資協助亦屬較易邊瘠郡縣捐款雖少而該處寒士難到省城尤宜就地培養故十一屬一體攤領以昭公溥並卽立案將此款永遠作爲學堂經費不得挪借他項公用管局紳士概不支領薪水亦不開支局費以本地之款育本地之才於理爲大公於情爲至願伏讀 詔書感激 德意 朝廷所欲議誠而紳等轉自讓微第念 國事多艱非才莫備非學不成爲紳民者莫不有田以

輸賦有子弟者皆欲讀書以成材似此辦法有興學之功無勸捐之擾詢謀僉同士民兩便公懇據情奏  
邀 恩准於學校人才實有裨益等情前來 臣等查推廣學堂造就人才自係今日當務之急茲該紳等  
請將湖北丁漕減收之項照常徵收另款解局捐充學堂永遠經費查從前漕折每米一石折收錢或八  
九串或十串或竟有折至二十餘串者經前撫 臣胡林翼大加核減力除中飽每米一石遞減至四千五  
百文及四千不等地丁係銀錢驗從民便其收錢者胡林翼亦經量加核減著有定章弊已去其太甚民  
間遵照樂輸相安已久今該紳等以現所減者捐充學堂永遠經費較之另行設法籌捐難易迥殊查丁  
漕一項除巨富素封外每一戶完糧大率由數錢一兩以至七八兩罕有至十兩以外者今每兩減徵百  
文每石減徵一百四十文在每戶所省不過數十文數百文之微巨富所省亦不過數千文十餘千文而  
已該紳等公共捐出此款俾通省學堂不勞而集是此事固出於眾舉之盛舉而正所以彰 特需之  
大恩至州縣將此款解省卽發交公正紳士設局經理官不經手收發但司稽核並議定不准挪作他項  
公用亦不開支薪水局費自可不致虛糜似亦可不虞流弊其以後各府州開設學堂事宜支用經費詳  
細章程應俟奉 旨允准後由該紳等自行妥議稟定辦理合無仰懇 天恩俯如該紳等所請實於造  
成人才大有裨益得 旨該衙門議奏○甲午予故記名提督宣化鎮總兵王可陞照軍營立功後病故

例議郵事蹟交國史館立傳○戶部奏光緒二十四年二月初三日盛京將軍依克唐阿奏復陳籌餉練兵要策請行鈔法一摺軍機大臣面奉 諭旨戶部核議具奏欽此遵卽鈔交到部查原奏內稱方今時勢急迫倉猝聚億萬之財收億萬之利會鈔法別無良圖欲行鈔法會銀行無以取信攷鈔法仿前漢之皮幣唐宋遼金屢變其制以相沿用元始盛行其時賦稅極重兵役極煩卒賴鈔票以濟明初亦行寶鈔直至宏治始廢我 朝順治初年造行鈔員歲有定額至十八年因庫儲充裕而止嗣後舉行以立法不遂因滋弊而罷故今人論鈔法者不深究利之所出輒引前弊以相戒於是鈔法不行於中國而轉行於泰西夫泰西各國之富賴鈔法以濟用則行鈔法之利可知矣查日本維新以前國勢凌弱行鈔法而卽轉弱爲強俄羅斯昔時地廣民貧行鈔數十年國用充裕至今賴以周轉此皆仿西法而著明效者奴才於光緒初年在黑龍江副都統任內親見愛理商賈行用皆係俄帖且華商購辦貨物必須以銀易帖始可易貨以致邊界數百里俄帖充溢不下數百里迨後盡任坤春見華俄互市仍以俄帖爲重由今思之中國如早行鈔票則以票換帖自足相抵亦可堵塞邊隅漏卮矧此時帑藏告匱償欸未完將來難加一空勢不至虛行鈔票不止奴才愚以爲天地生財只有此數酌劑盈虛本仰賴 朝廷妙用行鈔雖屬權宜但能虛實相因得人而理亦可與銀錢並行不悖誠能於此時戶部籌欸在京師設立總銀行外

省提用庫銀於省垣各設分銀行各處口岸則由關道籌款設立通商銀行仍由部印造鈔票安定章程  
凡納完賦租稅釐及一切報効上輸之款准其銀鈔兼收文武官員廉俸旗綠各營防營兵餉及一切薪  
工役食俱以銀鈔發放務使民間視鈔票與銀並重而又精造製以防詐偽行匯兌以資流通預定額數  
毋令擁擠更易新舊毋令廢棄仍仿照西洋於銀行慎選經理之人兼行放息之法如是則鈔票行矣鈔  
票既行不特練兵有費及造船購械不難立辦而開礦火車郵政之利無不次第擴充等語臣等竊維鈔  
法興於前代其利害不具論我朝順治初年歲造鈔十二萬以不久停罷嘉慶十九年蔡之定學士奏  
請用楮鈔奉 諭旨此奏泥古斷不可行小民趨利作偽必至訟獄繁興權法者眾殊非利用便民之道  
該學士著交部議處以為莠言亂政者戒又咸豐三年戶部奏請推行官票奉 諭旨依議速行通飭各  
省將軍督撫不可稍存畏難之心朕已洞燭其微久久行之利國利民無窮盡也又是年戶部覆奏推廣  
鈔法奉 諭旨朕酌百年今定為官票發鈔以濟銀錢之不足務使天下通行以期便民裕國各等因臣  
等恭繹 兩朝 諭旨謂楮鈔之不可行者乃百年經久之規謂官票發鈔之可行者亦一時權宜之計  
祖宗成訓義各有當在後人自審緩急酌劑盈虛而已方今時局孔艱財源告乏將軍依克唐阿請印  
造鈔票設立銀行自屬救時之一法惟是欲行鈔票必先寬籌成本刻值洋價因於外銅幣耗於內出入

根柢不敷何從籌大宗的款爲鈔票成本之用若成本少而鈔票多則強輕爲重強虛爲實無論智愚皆知其不可如該將軍盛稱日本俄羅斯皆藉行鈔以致富強然日本西鄉之亂紙銀一元不敵銅錢二百俄國歲計亦載銀俄羅般一易紙羅般六可爲成本不足不能流通之明證此行鈔票之難也至銀行做自泰西通商惠工皆以是爲樞紐非徒爲取息而設亦非僅造崇一端中國風氣未開京師票號錢莊皆由商人自出資本自爲營運並未承領官款是以力量甚微而匯豐華俄各洋行遂先後開設都城得以擅我大利若 國家於萬方輻輳之區先開官銀行爲各省提倡內可通華商之氣脈外可杜洋商之挾持利國利民裨益良非淺鮮第官款既未易籌措商股亦未易招徠史恐經理不得其人利未興而弊先見此又設銀行之難也光緒二十二年京師盛宣懷奏請先在京都上海設立中國銀行其餘各省會各口岸以次設添分行照泰西商例由商董自行經理並以精紙用機器印造銀票與現銀相輔而行核與該將軍此次所議各節大致相同第查上海銀行自奉 旨責成盛宣懷選擇股商設立總董招集股本合力興辦並賞給官款一百萬兩以爲之創以後是否確有成效 臣部未能適度應請 旨飭下盛宣懷查明上海銀行自開設以來果與原奏所擬足以挽回利權信孚商民卽行切實覆奏屆時再由 臣部酌度情形預籌官本奏請 簡派委員在於京都創設銀行精製銀票妥議收放以擴利源其未覆奏以前

該將軍所奏行鈔法設銀行之慮應請暫緩備得 旨如所議行○乙未 上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○諭朕叔恭忠親王薨逝朕親臨奠醊追懷勳德感愴彌深業經欽奉 懿旨賜加諡號入祀賢良祠並以王功在社稷特恩卹食 廟廷其飾終典禮著令該衙門查例具奏本日呈遞遺摺情殷納誨上則敬 天法 祖孝養 慈闈下則經武整軍用人行政靡不懇切周詳猶覽之餘倍增悲惜朕仰承 慈訓近年以來軍國重事實賴王忠誠匡弼悉協機宜一旦失茲柱石中外臣工諒亦同深感悼爾諸臣等當以恭忠親王爲法各紆忠悃共濟艱難以竟賢王勳於國家之意○楊深秀奏請特派近支王公游歷各國得 旨著總理各國事務衙門即入榮惠奏請選派宗支游歷摺內一併議奏○張之洞奏湖北煉鐵廠原估續估及開煉以後續增各項用款均經隨時奏咨迨至光緒二十二年改歸商辦復將歷年各項用款前後統計約五百數十萬兩截數奏明各在案迭准戶兵工三部咨催開列細數清單咨部立案戶部並行令將鐵廠情形詳細查勘繪圖貼說奏咨存案等因前來均經轉行遵辦茲據湖北鐵政局司道詳稱查湖北創設煉鐵廠大工事繁費鉅工程之艱苦機器之繁重名目之繁多起運之繁難築基之勞費鑿礦修路開煤煉鋼之紛歧隨地置宜隨時增補中國官吏工匠見所未見實非可以常例相繩而且機器爐軌陸續增添補購一物不備停工以待耗



費殊多磅價低昂前後不一機件均係電致出使大臣訂購使署於付價時不特將織布鎗礮各局機器  
籠統奉入卽織廠每批機器亦復參差摺算以欸本不敷挪墊在所不免而運保各費亦因之時有混  
淆加以建造工程遞有遷改煤礦試辦時有廢興拖運輪則視緩急以爲增損堤工險要盛漲而有停  
待及至歸商以後點交既費時日外局尤多淹滯條分縷析清查非易此疆彼界區別尤難此皆歷年未  
能驟爲清釐之實在情形也現經督飭局員次第稽核清用數計奉准部撥銀二百萬兩奏撥鹽盤銀  
三十萬兩借撥鹽糧道庫四十萬兩咨准截作助礦費本省新海防捐尾數庫平銀二萬八千五百五十  
一兩零奏明撥用鎗礮經費銀一百五十六萬四千六百二十二兩又前經奏明撥用織布局股本銀三  
十四萬兩現結算清楚除織廠歷年代布局墊付運保及代付外洋機價欸扣除外實用銀二十七萬八  
千七百六十二兩收織廠自煉出鋼鐵價銀二萬四千八百二十五兩零借撥江南籌防局五十萬兩兩  
淮南捐銀五十萬兩統共實收庫平銀五百五十八萬六千四百十五兩零實用庫平銀五百六十八萬  
七千六百十四兩零除收付兩抵外實不敷銀十萬一千一百九十九兩零皆係分欠蕪廠洋廠各商號  
之欸其與原估續估前案未能符合者以前係約略之詞原奏業經聲明不免疏漏及工程浩大隨時增  
添補救非意料所及等情在案此係統計造廠以至廠成並廠成開鑪以後各項實用之全數歷年咨報

案續可撥並非前後參差總計該廠開辦以來所有經費除部撥二百萬兩奏請撥用數十萬兩外其餘三百餘萬兩皆係外間多方湊借始得成此規模無一時不慮停工無一事不求節省時時察防慮稽核不容稍有含混且現已歸商承辦用款至五百數十萬之多議定皆為陸續收回若使稍有浮糜商人豈能承接商局豈肯歸還各省創造船政製造各局所用經費從未收回涓滴至故大學士左宗棠前在甘肅開設織呢局費銀百餘萬兩旋經後人廢棄鉅款盡付東流今商人接辦煉鐵廠已有蒸蒸日上之勢是此款雖鉅將來皆可收回實係支而未銷與他項局廠支用過即歸無著者實有不同且未歸商辦以前重建鎔鐵廠鐵梁鐵柱六百餘墩皆係鐵廠所出所造之餘現在蘆保鐵路即用鄂廠鋼軌似已有利民塞漏之明效茲開具收支分款數目清單咨部立案並分請部示何項應歸何衙門核銷之處再造具清冊送部核銷等情詳請咨咨前來臣覆核無異除咨戶兵工三部核銷外理合恭摺具陳下部知之○丙申准湖北按察使馬恩培開缺調理○楊深秀奏自取士之法未善用非所學學非所用制藝帖括消磨人才因有建議欲於科舉廢四書文者臣竊維制藝之科行之已數百年沿襲至今適承其敝若不思變計固無以得人才若驟更成法亦復猝無善策竊統籌利弊熟計重輕以為非立法不善之為害而實文體不正之為害也故欲求真才必自整訂文體始查經義之體肇自宋代因文見道意美法良宋

人之文傳於今日者如王安石蘇洵蘇轍陸九淵陳傳良文天祥諸大家類皆發明經義自抒偉論初無  
代古人語氣之謬說無一定格式之陋習故觀其說理可以知其行誼觀其發論可以知其經濟有本有  
文體最善矣明世習沿既久防弊日周於是創爲代聖立言之說謂不得用秦漢以後之書述當世之事  
奪微言大義之統爲衣冠優孟之容醜已說爲古言侮聖人而不顧於是史書不覲爭爲謬陋文體風俗  
之壞實自茲始明中葉以後始盛行四股六股八股破承起講之格雖名爲說經之文實則本唐代詩賦  
專講排偶聲調如宋元詞曲但求按譜填字而虞詞謾言駢拇枝指又加甚焉以經義論則無所發明以  
文體論則毫無取義格式既定務使千篇一律稍有出入卽謂之不入格是以習舉業者陳陳相因塗塗  
遞附黃茅白草一望相同限以三百七百之字數拘以連上犯下之手法雖胸有萬卷學以三才者亦必  
俯就格式不許一字入文其未嘗學問者亦能揣摩聲詞敷衍講章弋獲巍科坐致高位是使天下之人  
相率於不學也今夫 國家設科舉之意有二一以鼓勵天下之人使之向學以成其才也一以試學者  
之才不才擇而用之也今用此種庸濫文體既使天下相率於不學而人才之消磨也已十之八九矣苟  
有一二自拔流俗者則其才華學識不能發現於場屋文字之中偶或發現則以不合格黜之然則使衡  
文者究何所憑藉以別擇其才不才哉故用今日之文體其弊亦有二能使天下無人才一也卽有人才

而皇上無從知之無從用之一也更有甚者如歲科童試縣政府院致多出截上截下無情巧搭等題割裂經史演侮聖旨律以 祖制咎有應得而各省沿用毫不爲怪此種文體祇講手法不顧經意起予轉收擒釣渡挽其法視文網爲尤密其例視刑律爲尤嚴遂使天下有千萬億之生靈日消磨精力於此等手法之中含纖仄機械之外無所用其心恐有旁竄而法因以疏也會串珠類腋之外無所用其學恐有博涉而文體因以雜也夫天下之士子莫多於生童也盛廷之公卿皆起自生童也而其用心及其所學如此驅天下有用之才而入於無用之地一旦而欲舉以任天下之事當萬國之衝其可得乎今夫四書文之所以足貴者將使人讀書以明理窮經以尊聖也今截搭粘剝裂破碎之題非以通經乃以侮聖故 謂非法不善之爲害而文體不正之爲害也請特下 明詔斟酌宋元明清制並正四書文體凡各試官命題必須一章一節一句語氣完足者其制藝體裁一仿宋人經義明人大結之意先疏證傳記以釋經旨次博引子史以徵蘊蓄次發揮時事以覘學識不拘格式不限字數其有仍用八股庸濫之格請窠陳腐之言者斥擯勿錄其有仍八股口氣於代聖立言之謬說者以僭妄誣罔非聖無法論輕則停闈罰科重則或予擯黜如此則觀聽一新人務實學有經義取士之效而無其弊矣夫因文體之極弊而並欲廢四書文者過激之說也因四書之足貴而並祖護今日之文體者不通之論也正文體乃以尊

四書變通流弊乃以符藩制其爲事至順其圖變至易其所關至大其收效至神伏乞斷自 聖衷卽降

諭旨布告天下咸使聞知似於維持正學培育人才必有大裨 上諭御史楊深秀奏請釐定文體一

摺國家以制藝取士原期闡發經義講求實學勉爲有用之才茲據該御史所陳近日文體之弊斟酌益

定並各項攷試不得割裂經文命題等語著禮部議奏○丁酉兩○以張廷韶爲湖北按察使○總理各

國事務衙門奏請許英人於廣東九龍關立租界允之○戊戌 上還宮○以李有棻爲陝西布政使袁

昶爲陝西按察使○己亥 上幸恭忠親王邸第賜奠○諭前據戶部議准副都統景祺奏請抽收鈔稅

藥牙嗣復體察情形因恐有累閩該部奏請停辦業已電知各省一體遵行第恐商民尙未周知難免

不肯官吏藉端搜累殊乖朝廷勤恤民隱之意茲特明白宣示並著各督撫通行曉諭如該地方官有影

射勒捐情弊卽著該督上司嚴行參辦以防弊混而順輿情○庚子諭軍機大臣等御史楊崇伊奏中允

致思承前辦順天賑務被控有案等語密順天府查明具奏○辛丑 上詣 大高殿祈雨○諭軍機大

臣等有人奏知縣借端殃民請飭查參一摺據辦安邱縣知縣龔崇禮辦理昭信股票計畝苛派按戶分

日展傳不到者鎖拿嚴押所派之數不准稍減分釐請飭查參等語昭信股票經諭令不准苛派抑勒

若如所奏該知縣藉端騷擾貽累閭閻與朝廷開辦股票任聽樂輸之意大相刺謬殊堪痛恨著張汝梅

確切查明據實參奏此等情形恐不止安邱一縣爲然該撫務當通飭所屬嚴切體諭各該地方官妥爲辦理不准稍有擾累倘有官吏藉端苛派者卽行據實參辦原摺著鈔給閱看將此通諭知之○壬寅諭軍機大臣等有人奏知州執法虐民請飭查辦一摺據陳雲南廣西直隸州知州劉雲章酷妄濫賭好甚深審理案件一味刑求縱容丁役勒索案費以致士民譁怨等語著松蔭裕昨按照所列各款確切查明據實具奏毋稍徇隱原摺著鈔給閱看將此諭令知之○總理各國事務衙門奏光緒二十四年二月初八日准軍機處片交奉 上諭都察院奏山西京官呈訴山西興辦鐵路流弊滋多請飭停辦一摺山西興辦鐵路前據該撫奏稱因所產煤鐵各礦須修鐵路方能運銷現有皖粵各紳商籌借洋款來晉開辦當經降旨允其開辦並令預防流弊酌定詳細章程奏明辦理迄今尙未奏到茲據山西京官呈稱該撫竟將潞安澤州沁州平定三府一州典與洋人深堪詫異將現辦情形及擬定章程刻日具奏原呈所指方孝傑劉鶚二員聲名甚劣均著撤退毋令與聞該省商務又左都御史徐樹鉉奏山西礦務鐵路宜歸紳商自辦各節著胡聘之一併詳議具奏等因欽此是月二十四日復准軍機處鈔交山西巡撫胡聘之奏遵 旨覆陳晉省鐵路礦務現辦情形分繕合同章程清單呈 覽一摺奉 硃批該衙門議奏單三件併發欽此等正在核議間復於三月初六日准軍機處片交御史何乃瑩奏山西鐵路礦務請

停借洋款一摺軍機大臣面奉 諭旨該衙門知道欽此三月十四日准軍機處片交都察院奏山西京  
官條陳山西商務局借款章程關係重大據情代奏一摺軍機大臣面奉 諭旨著歸入胡聘之前奏內  
一併議奏欽此臣等當就山西巡撫胡聘之所訂合同章程按之山西京官及徐樹銘何乃瑩陳奏各節  
悉心參酌逐條覆核原訂借款章程利息既重國家應得餘利幾同虛指稅課等項概未聲敘似於各國  
開礦程式尙多遺漏自應酌量增減以濟利源而山西京官原呈謂將潞安澤州沁州平定三府一州典  
與洋人徐樹銘原奏謂將鐵軌開礦包與商人均屬一過甚即山西京官兩次公呈將合同章程逐層  
辯駁亦多附會無以折服洋人何乃瑩奏請停借洋款固屬正辦惟泰西各國率皆經營路礦以馴致富  
強晉省煤鐵礦產之富久爲西人所羨若深閉固拒轉恐利權旁落何如豫爲之地猶得操縱自如現在  
中國商情集股不易僅用土法開採實係難成方孝傑劉鵬兩員奉 旨撤退後該國商人羅沙第俄國  
商人璞科第即各符其公使先後來 旨衙門催辦謂合同業經山西巡撫遵照奏案批准斷難更改並謂  
已各報其本國政府往復辯論至再至三勢亦難於中止 旨等公同商酌省路礦業經奉 旨允借洋  
款開辦果將合同章程斟酌妥善於國於民均有裨益當與各該使臣訂明事關商務非同別項交涉事  
件應逕與洋商商辦使臣不必攪預以免糾葛 旨等遂博考西國礦路章程與該商羅沙第俄國璞科第

將原定章程逐一增改礦章第一條原稿僅敘辦理晉省孟平澤潞等處礦務語涉含混改爲先與礦師勘定何鄉何山何種礦產繪圖貼說稟由山西巡撫查明果與地方情形無礙方准開採並添敘如係民地公平租賃如係官產照該處田則加倍納賦第五條聲明所開礦地遇有墳墓祠墓必須繞越毋得壅第六條增入所有礦產按照出井之價值百抽五作爲落地稅報効中國國家官利八釐改爲六釐公積一分改爲逐年還本仍隨本減息用本還清公積卽行停止此外所餘淨利提二十五分歸中國國家餘歸公司自行分給並聲明係商人籌借如有虧折與中國國家毫不干涉第八條添入開礦所需料件機器等物進口照開平各礦章程完納海關正稅礦產出口仍照開章納稅第十六條於租賃民人已開之礦添敘不得稍有抑勒第十七條於添造支路轉運煤礦添入應訂章程屆時另議第十八條每年盈虧清冊添入各請華洋公正人一名核算無訛以符各國公司通例又鐵路合同第六條添入鐵路經過地段如係民地應向業主公平租賃如係官地應與地方官議定租價並照該處田則逐年納賦第七條聲明路成後中國於正定太原鐵路兩處設關收稅與鐵路無干第十條原議每年餘利以四成歸公司二成報効國家一成歸商務局三成歸華俄銀行現改爲以二成歸商務局四成報効國家一成歸商務局辦公之用三成歸華俄銀行仍聲明俟借款完清此三成餘利銀行亦卽停收原議第十四條鐵路初



成客貨稀少恐不敷養路之費准於附近鐵路地方酌開煤鐵礦數處現今全行刪除以清界限其餘各條亦均逐句推敲期於妥協並將劉鴨方孝傑所立公司名目一律刪除統歸山西商務局承辦俾一事權一等與洋商逐細磋商始經定議分繕清單恭呈 御覽該洋商等守候日久該國使臣屢催定議勢難再緩如蒙 兪允即由臣等飭令電調來京之山西商務局紳士曹中裕與洋商羅沙第在 衙門畫押以免稽延得 旨如所議行○癸卯 上幸頤和園詣 慈福端佑康頤昭豫莊誠壽恭欽獻崇熙皇太后前請安駐蹕○大學士李鴻章與英國訂中英展拓香港界址專條成其文曰 溯查多年以來素悉香港一處非展拓界址不足以資保衛今中英兩國政府議定大略按照黏附地圖展擴英界作為新租之地其所定詳細界綫應俟兩國派員勘明後再行畫定以九十九年為限期又議定所有現在九龍城內駐紮之中國官員仍可在城內各施其事惟不得與保衛香港之武備有所妨礙其餘新租之地專歸英國管轄至九龍向通新安陸路中國官民照常行走又議定仍留附近九龍城原舊馬頭一區以便中國兵商各船渡艇任便往來停泊且便城內官民任便行走將來中國建造鐵路至九龍英國管轄之界臨時商辦又議定在所展界內不可將居民迫令遷移產業入官若因修建衙署築造廠臺等官工需用地段皆應從公給價自開辦後遇有兩國交犯之事仍照中英原約香港章程辦理查按照黏附地圖

所租與英國之地內有大鵬灣深洲灣水面惟議定該兩灣中國兵船無論在局內局外仍可享用此約應於書押後自中國五月十三日即西歷七月初一號開辦施行其 批准文據應在英國京城速行互換為此兩國大臣將此專條書押蓋印以昭信守 此專條在中國京城繕立漢文四分英文四分共八分○甲辰授榮祿為大學士管理戶部事務調剛毅為兵部尚書協辦大學士以崇禮為刑部尚書○諭前經降旨開辦京師大學堂入堂肄業者由中學小學以次而升必有成效可觀惟各省中學小學尚未一律開辦總計各省省會及府廳州縣無不各有書院蓋各該督撫督飭地方官各將所屬書院坐落處所經費數目限兩箇月詳查具奏即將各省府廳州縣現有之大小書院一律改為兼習中學西學之學校至於學校階級自應以省會之大書院為高等學郡城之書院為中等學州縣之書院為小學皆頒給京師大學堂章程令其仿照辦理其地方自行捐辦之義學社學等亦令一律中西兼習以廣造就至各書院需用經費如上海電報局招商局及廣東關外等捐頗有溢款此外陋規濫費當亦不少著各該督撫儘數提作各學堂經費各省紳民如能捐建學堂或廣為勸募准各督撫按照籌捐數目酌量奏請給獎其有獨力捐鉅款者朕必予以破格之賞所有中學小學應讀之書仍遵前諭由官設書局編譯中外要書頒發遵行至於民間祠廟其有不在祀典者即著各地方官曉諭民間一律改為學堂以節

糜費而降教育似此實力振興庶幾風氣徧開人無不學學無不實用副朝廷愛養成材至意將此通諭知之○乙巳 上題宮○諭方今各國交通使才爲當務之急著各直省督撫亟舉平日所知品學端正通達時務不染習氣者無論官職大小的保數員交總理各國事務衙門攷驗帶領引見以備朝廷任使○諭數年以來中外臣工講求時務多主變法自強邇者詔書數下如開特科裁冗兵改武科制度立大小學堂皆經一再審定籌之至熟妥議施行惟是風氣尙未大開論說莫衷一是或徃於老成憂國以爲籌章必應墨守新法必當擷除衆喙嗶嗶空言無補試問時局如此國勢如此若仍以不練之兵有限之餉士無實學工無良師強弱相形貧富懸絕豈真能制權以據堅甲利兵乎朕維國是不定則號令不行極其流弊必至門戶紛爭互相水火徒蹈宋明積習於國政毫無裨益即以中國大經大法而論五帝三王不相沿襲譬之冬裘夏葛勢不兩存用特明白宣示中外大小諸臣自王公以及士庶各宜努力向上發憤爲雄以聖賢義理之學植其根本又須博采各學之切於時務者實力講求以救空疏迂謬之弊專心致志精益求精毋徒襲其皮毛毋競騰其口說務求化無用爲有用以成通經濟變之才京師大學堂爲各行省之倡尤應首先舉辦著軍機大臣總理各國事務王大臣會同妥速議奏所有翰林院編檢各部院司員各門侍衛候補候選道府州縣以下各官大員子弟八旗世職各武職後裔其願入學堂者均

准入學肄習以期人才輩出共濟時艱不得敷衍因循徇私援引致負朝廷諄諄誥誡之至意將此通諭知之○丙午總理各國事務衙門奏光緒二十四年四月初四日准軍機處鈔交侍郎榮惠奏請特設商務大臣及選派宗支游歷各國又十三日鈔交御史楊深秀奏請特派近支游歷各國等語先後奉 諭旨著總理各國事務衙門一併議奏欽此查閱侍郎榮惠原奏稱中國商人經紀之術不減東西各國患在商情渙散不能齊一本有輕重貨有良楛價有高下爭利傾擠人各一心商務所由日壞若專派大臣設法整頓商務必有起色利權漸能收回商司販運工司製造工爲商源商爲工委工務尤爲緊要而工務必以物產爲盈虛物產之中尤以礦務爲先各省礦產最多若設立公司逐漸開採利源甚溥惟開採之初商人往往苦於資本不足若經商務大臣考核詳明不妨請發官款釐定章程官商合辦俾底於成請 飭各省督撫就本省三四品以上紳士無論京外職官但求精於權算能知大體者保薦數員聽候簡派專辦本省商務礦務自能熟習情形考究的當不用員役一依經商之法庶工商情無隔閡上下一氣利源必興等語 等查該侍郎所稱整頓商務礦務以開利源自係當務之急礦務業經奉 旨准各省紳商集股設法開採至商務專派大臣督辦一節查 衙門於光緒二十一年十二月二十四日議覆御史王鵬運奏請講求商務一摺業請於各省會設立商務局由各商公舉股實穩練素有聲望之紳商

派充局董駐局辦事將該省產物行情綜其損益逐細講求其與洋商關涉者如絲茶等貨考其利病何者可以敵洋商何者可以廣銷路若確有把握准其運商督撫爲之提倡再由各府州縣於水陸通衢設立通商公所各舉分董以聯指臂所有各該處物產價值漲落市面消長盈虛卽由各分董按季呈報省局彙總造冊仿總稅務司貿易總冊式樣年終由督撫咨送臣衙門以備參考其各局所遇有稟官之事無論大小衙門均不得勒索規費各局所地方長吏月或一二至輕騎減從實心諮訪以恤商之誠行護商之政各等因奉 諭旨飭下各省督撫遵行在案所辦非不詳盡夫以官府親闕之事終多隔膜各省商務既由官爲設局聽各商公舉總董駐局辦事又有分董以聯指臂並遇事稟由督撫爲之提倡是卽該侍郎所稱聯絡商情上下一氣之意似無庸另設大員督辦徒擁虛名仍無實濟爲治不在多言願力行何如應請 旨飭下各省督撫查照上年奏案實力遵行毋得虛應故事又榮惠原奏稱東西各國俗尚游歷國主之尊儲以之親往往徧游地球借貸閱歷亦可爲邦交輯睦之證滿洲王公宗室貝勒貝子閔才偉略必不乏人擬請 簡擇年力富強才識通明者輕裝減從隨帶書記繙譯游歷全球各大邦令出使各國大臣妥爲照料予以厚祿凡山川風俗政教律法大小學堂水陸營制鎗礮器械戰艦礦務工作詳細考究筆記成書事竣歸國足備任使又御史楊深秀奏稱三代之制自王之世子庶子皆

入太學泰西猶用我經義上自王子旁及近親皆先入學堂與羣士齒又學於兵艦親爲水手學於練軍  
勇列卒伍然後次第升擢乃爲船主將校稍長之後必徧歷各國或內性之所長入其各學專習一業  
數年而成日本前派熾仁親王等出游泰西分習諸學故能歸而變政克有成效請 特派近支王公之  
妙年明敏有才志者游歷各國各等語 等查邦交以聯絡而固人才以懋練而成該侍郎請派王公員  
勅等出洋游歷以聯外交而練才識亦係因時制宜之要楊深秀所論各國王子近親皆先入學堂與羣  
士齒又學於兵艦練軍由卒伍升將校乃使之徧歷外國增長見識此非以無本之學爲無益之游也卽  
如前日來京之德國親王係由學堂出身現充水師提督精通各國語言兵法所至之處足令壇坫增光  
今王公員勅等如果有留心時事學問淹通志趨向上者應否由宗人府查察保薦會同 衙門具奏請  
行飭令出洋游歷之處 等未敢擅便 上諭總理各國事務衙門奏遵議侍郎榮惠奏請特設商務  
大臣及選派宗支游歷各國一摺商務爲富強要圖自應及時舉辦前經該衙門議請由各省會設立商  
局公舉殷實紳商派充局董詳定章程但能實力遵行自必日有起色卽著各督撫督率員紳認真講求  
妥速籌辦總期聯絡商情上下一氣毋得虛應故事並將辦理情形迅速具奏至選派宗室王公游歷各  
國亦係開通風氣因時制宜之舉著宗人府查看該王公員勅等如有留心時事志趨向上者切實保薦

聽候簡派○丁未賜皇同儕等三百四十八人進士及第出身有差○戊申 上幸頤和園詣 慈福端

佑康頤昭煥莊誠碑恭欽獻崇熙皇太后前請安駐蹕○諭翰林院侍讀學士徐致靖奏保薦通達時務

人才一摺工部主事康有為刑部主事張元濟著於本月二十八日預備召見湖南鹽法長寶道黃遵憲

江蘇補用知府譚嗣同著該督撫送部引見廣東舉人梁啟超著總理各國事務衙門查看具奏○己酉

命王文韶迅即來京陛見以榮祿暫署直隸總督○諭嗣後在廷臣工如蒙 慈福端佑康頤昭煥莊誠

壽恭欽獻崇熙皇太后賞加品級及補授滿漢侍郎以上各官均著具摺恭詣 皇太后前謝恩各省將

軍都統督撫等官亦著一體具摺奏謝○諭協辦大學士戶部尚書翁同龢近來辦事都未允洽以致衆

情不服屢經有人參奏且每於召對時諮詢之事任意可否喜怒無常詞色漸露實屬狂妄任性斷難勝

樞機之任本應查明究辦予以重懲姑念其在毓慶宮行走有年不加嚴譴翁同龢著即開缺回籍以示

保全特諭○諭軍機大臣等嗣後朕駐蹕頤和園之日各該衙門遇有應行引見之員著一體引見○諭

昨經降旨諭令宗人府保薦王公貝勒等選派游歷因念近支王貝勒等職分較崇朕當親行查看毋庸

保薦其王公以下及閒散宗室如有志趣遠大才具優長者著宗人府隨時保奏○庚戌雨○召見工部

主事康有為於仁壽殿 上深以廷臣守節阻礙變法為憂康有為面奏請 皇上勿去舊衙門而惟增

置新衙門勿翻革舊大臣而惟漸擢小臣多召見才俊志士不必加其官而惟委以差事當以卿銜許其專摺奏事足矣彼大臣向來本無事可辦今但仍其舊體其尊位重祿而新政之事別責之於小臣則彼守舊大臣既無辦事之勞復無失位之懼怨謗自息即 皇上果有黜陟之全權而待此輩之大臣亦祇當如日本待藩侯故事設爲華族立五等之爵以處之厚祿以養之不必盡去之也 上然其言○諭軍機大臣等工部主事康有爲著在總理各國事務衙門行走○上退宮○辛亥諭軍機大臣等各省陳奏緊要摺件允准分別里數發報驛遞乃近來尋常摺件竟有由驛馳奏者殊非慎重驛站之道嗣後各將軍督撫等務當查照定章除應行驛遞之件照例發報外其餘尋常摺件均著專派差弁齎遞不得率用驛遞將此通諭知之○壬子諭軍機大臣等有人奏江蘇落地布捐病民已甚請予禁革一摺據紳士布落地捐當時並未奏明亦不咨部但於鄉民舊布時每疋酌收錢文按月包繳層層過手各有沾潤請比照武進陽湖二縣之例一律普禁等語著奉俊照從前示禁成案體恤貧民斟酌辦理另片奏請收土布比照機布之例但完初次一捐以後概准照票發行等語著一併察度情形妥辦原摺片著鈔給閱看將此諭令知之